



宋元詩會卷之三十五

晚桐陳

焯默公選輯

後學程

仕松泉恭較



高登

字彥先漳浦人少孤力學宣和間為太學生汴京被圍登  
 與陳東等上書乞斬六賊及奪李綱兵柄再詣關爭之欽  
 宗即位相吳敏張邦昌將復用李邦彥登力陳為不可不  
 報紹興初延對直切授富川主簿尋兼賀州學事秩滿士  
 民旬留不獲相率饋錢以助其裝登辭之不可遂買書置  
 學宮而去名赴都堂審察不疏萬言帝覽而善之秦檜惡  
 其譏已授靜江府古縣令檜為相無父舊治檜生于此郡帥  
 胡舜陟論當建祠登曰檜為相無父祠不可立舜陟大怒  
 擬他事去登且誣以專殺之罪詔送府獄登航海書求  
 納官贖罪帝憫之會赦為檜誘登作見者登不從檜怒仍  
 送府獄幸舜陟先死其事得白廣漕辟為歸善令又用考  
 試策題侵檜檜復至以前事編管容州將置之死僅而得  
 免謫居授  
 徒以終

還山招陳希韓

乾坤莽回互日月相盪摩百年纔瞬息萬顛總么麼是身非我



有造物如吾何觸事會心少幽棲發興多春言意所適樂此山之阿修篁擢新幹老水滌舊阿谷聲傳地籟松韻答天和獨石介而安寒泉淡無波園蔬極纖嫩名果何駢羅細蒿著雨花碧卷受風荷隨意坐莓苔締衣掛薜蘿得酒即醕酌作詩共吟哦嘯長情浩蕩舞短影婆娑妻孥虎門趣黃綺高山歌崎嶇路辭遙迢遞誰見過交親憶同調出處矢靡他每憐傷弓禽因感赴燭蛾自覺此身浮相看雙鬢皤人事何時休歸來勿蹉跎

冒寒行風雨有感

號風撼枯枿凍雨凝路塵乾坤秘日月八荒同一雲遙知沙漠寒黯淡愁殺人天涯望不極流淚滿衣巾

中秋對月

繡江再見中秋月歲去月圓人尚缺相望千里共婵娟苦恨亭

亭照離別今夕一樽誰與同孟光舉案對梁鴻衆雛立侍儼成列以次持杯壽乃翁乃翁看月指病目手足傾頽頭髮禿但願團圓三十秋不計東西與南北

杜門

故入方謝客為問意如何午枕清風足校窗明月多易招惟酒聖難遣是詩魔一榻君家事何妨獨我過

夢遊故山

風際斃披鶴雲根杖策鳩幽棲知好狂歸夢故難留山放數峰出泉分一派流把酒何日辦縛屋護松楸

送元泰

但得身長健何妨鬢已華曾藏為錦繡筆走是龍蛇作椽只三語讀書空五車卷懷已良計去去卧煙霞

水漲謝邑宰送米

心知一字不堪煮，矻矻窮年黃卷中。食粥由來為拙儲，瓶况乃  
嗟屢空。令君好賢，婉韓愈賤子受賜，慙盧仝春水從教遠。舍北  
癡兒寧復啼門東。

乞米

臣饑欲死，侏儒飽方朔。誰憐是歲星，館下諸生笑。豐腹江頭漁  
父詢，獨醒魯公已作乞米帖。陶令旋尋儲粟餅，親舊依然眼相  
向。故應持此為吾青。

小源欲歸

潮頰香醪，暈醉紅鞵。敲歸落勒青驄。水涵萬頃，曾孫稼月逗盈  
衿。少女風大誤，平生緣函足。無聊中夜，祇書空擬。將方寸難論  
事，直扣天門問化工。

夜行道中

黃茆時節，瘴煙濃人。在山坳第幾重。梁竦負才，徒感慨，嵇康賦  
性本疎慵。此生自斷天休問，吾道當年世不容。會脫幘，中還舊  
隱，鹿門妻子慣相從。

九日

塞雁南飛，度戍樓一聲天地。有餘秋，家連滄海，難窮目。人狂蠻  
荒欲盡頭，莫効涓埃裨國計。况無毛髮為身謀，所須救水能多  
少。踪跡飄然，不繫舟。

歐陽澈

字德明，崇仁人。年少負氣，慷慨談時事，不少屈。其意國體，  
時出于天性。靖康初，上禦敵十策，既又論列十事，皆不報。  
高宗即位，徒步走行，在上封事。  
極試用事，大臣為黃潛善所殺。

重遊寥陽洞有感



尋真曾到寥陽殿小立廊腰花影轉飛瓊仙子下瑤臺綽約雲  
鬢眼波剪水沈煙斷一簾秋醉睡海棠紅玉軟武陵歸去探年  
夢揚州夢覺江波遠重來風物恰依然愛日融融素煙卷洞門  
寂歷鎖長春異木槎枒挿天半霞衣冉冉媚東風綠鎖窗前重  
識面酒酣春筍理琵琶曲終依約含幽怨人間名利幾時休焉  
蹄不駐空留戀桃花流水古猶今回首碧雲人不見

秋試下即事有感寄國鎮

籬菊金英噴異香杜門岑絕獨持觴風披脫葉橫斜舞雲襯平  
林淺淡黃塞管有情增哽噎野花無緒伴淒涼不禁景物撩秋  
眼刺與新篇付錦囊

戲促朝宗酒約

雨收雲海湧金盆簾捲香絲破篆紋雙陸無心酬白璧十千有

約醉紅裙賦詩誤許聯師服載酒真當過子雲待遣秋娘呈妙  
舞春山已把水沈薰

陳致若時寓盤龍作詩寄之

凜凜冰霜嚼齒牙沈沈清夜詠簷花摩雲氣逸千里斗落帝詞  
妍帶綺霞醉掃麝煤奔渴驥困紆象管引秋蛇擬尋紅樹賡詩  
社却日揮戈不許斜

歸途遣興借朝宗韻簡敦仁

緩著歸鞭水石鄉息鞍箕踞小橋傍煙滋竹葉雙叢玉秋著蘆  
花一岸霜潑眼溪山增爽氣襲人蘭蕙破幽香擬提吟筆扛洪  
鼎反笑蚍蜉不自量

謝人惠紫竹杖

玉猷珍重惠龍孫策險扶危價莫論爛醉縣錢過酒肆狂吟步

月打僧門虛心尚有凌雲操勁節元無染淚痕應向香山居士  
道朱藤雖好未為尊

臨川截留友人

山童澤硤洞金流小雨廉纖陝變秋河朔飲徒方快意鱸魚歸  
興不如休歌姝况有飛瓊侶結客當為擲果遊一曲陽關腹斷  
盡未應聞此不遲留

和子賢夏日晚望

溪山潑墨水雲秋似綺餘霞次第收燦燦拒霜鋪翠岸雙雙屬  
玉舞蘋洲杳無錦字來馮雁擬戒機心試狎鷗望裏碧雲還又  
合數峰江上忍擬眸

洪皓

字光弼鄱陽人少有奇節自經略四方志登政和五年進  
士王黼朱勳皆欲婚之力辭宣和中為秀州司錄拯水災

活十數萬人攝寧海令弱四千八百戶稅時號洪佛  
子建炎三年克北庭通問使至彼被執其副使龔壽竟事  
劉豫公節愈厲致官辱百端移太原還雲中進金山大金大  
臣有悟室者延公調子而衣食不給宴如也淹留十五年  
交歸高宗啟大用之又以忤秦檜通判饒州責濠州圖練  
安置英州移南雄卒年六十八謚忠宣有文集五十卷子  
述道萬皆以文學致  
顯仕益忠義之報云

奉使留金金臣悟室求詩口占漫卷

久持使節傍門庭薄命猶賒五鼎烹甄乳何心占北海鴈書隨  
夢到京城莫言地廣頻修怨應念民勞早戢兵國寶善鄰君寶  
信坐鴈難老見昇平

向子諲

字伯恭臨江人徽宗立孫欽聖憲肅皇后再從姪也元符  
三年用后復辟恩補承奉郎三遷知開封府歷京畿轉運  
副使建炎之亂康王次濟州子諲遣助軍費張邦昌使其  
甥劉達齎手書通問子諲焚書不啟因械繫劉達于獄中  
力請康王率請將渡河出其不意以救二帝遷江淮發運  
以素善李綱為黃潛善所惡斥其襲慶府道梗不得行紹



興元年移鄂州主管安撫荆湖東路軍驛入賊營諭降被執俄釋回詔提舉江州太平宮再除戶部侍郎因潘良貴叱其奏對煩瀆上怒良貴而子諶亦與同貶及和義起力排之忤秦檜致仕卒年六十八

題王文孺臞庵

仙翁五十鬢猶青高卧柴門畫亦扃  
學舍已忘鍾鼎夢蒲輪休過薜蘿亭  
陰門巷先生柳寂寞江天處士星  
晚歲田家農事了閒抄寧戚相牛經

陳與義

字去非洛人兒時即能作文登政和三年上舍甲科官教授遷太學博士高宗南遷避亂轉徙召為兵部員外郎歷翰林學士知制誥紹興七年拜參知政事惟思道德以輔朝廷尊主威正綱紀丞相趙鼎每于上前陳恢復之論與義必助之無何出知湖川遂請祠卒年四十九所賦墨梅詩最為徽宗所賞云

休日早起

曉隴窈窕影來稍稍禽聲集開門知有雨  
老樹半身溼劇讀了無

味遠遊非所急蒲團著身寬安取萬戶邑  
開鏡白雲度捲簾秋先入飽受今日閒  
明朝復羈繫

夜步堤上

旋買青芒屨去踏沙頭月爭教冠蓋地  
著此影突兀樹寒栖鳥動風轉孤管發  
月色夜夜佳人生事如髮夢中續清遊  
濃露涇銀闕

連雨書事

九月逢連雨蕭蕭穗送秋龍公無乃倦  
客子不勝愁雲氣昏城壁鍾聲咽寺樓  
年年授衣節半落向他州

寒食

草草隨時事蕭蕭傍水門濃陰花照野  
寒食柳圍村客袂空佳節鶯聲忽故園  
不知何處笛吹恨滿清樽

雨

沙岸殘春雨芽簷古鎮官一時花迸淚萬里客憑欄日晚薔薇  
重樓高燕子寒惜無陶謝手盡可破憂端

雨中

北客霜侵鬢南州雨送年未聞兵革定徒使歲時遷古澤生春  
靄高空落暮鳶山川舍萬古鬱鬱枉樽前

將次葉城道中

荒野少人跡竹輿伊軋聲晴雲秋更白野水暮還明寂寞信吾  
道淹留語物情王喬有餘舄借我一東征

宿資聖院閣

暮投山岫寺高處絕人羣遠岫林間見微泉舍後聞閣虛雲亂  
入江濶野橫分嶺與僧為記今年懶作文

道中寒食

二首

飛絮春猶冷離家食更寒能供幾歲月不辨了悲歡刺史葡萄  
酒先生肯當盤一官違壯節百慮集征鞍  
斗粟淹吾家浮雲笑此聲有詩酬歲月無夢到功名客裏逢歸  
雁愁邊有亂鶯楊花不解事更作倚風輕

岸幘

岸幘立清曉山頭生薄陰亂雲交翠壁細雨涇清林花落客心  
碎鳥啼春意深窮鄉愁節換得時一閒吟

別呂伯恭

樽酒相逢地江楓欲盡時猶能十日客共出數年詩供世無筋  
力驚心有別離好為南極柱深慰旅人悲

聞王道濟陷賊



海內堂堂友如今在賊圍虛傳袁盎脫不見  
華元歸浮世身難料危途計易非雲孤馬息  
嶺老涕不勝揮

立春雨

衡山縣下春日雨遠映青山絲樣斜容易  
江邊欺客况分明沙際溼年華竹林路  
隔生新水古渡舩空集亂鴉未暇獨憂巾  
一角西溪富有續開花

清明

雨晴閒步澗邊沙行入荒林聞亂鴉寒食  
清明驚節序暖風遲日醉梨花書生長老  
王官谷壯未偷生漂母家不用鞦韆與蹴  
踘只將詩句答年華

龍門

未到龍門十載癯斷崖依舊立斜陽金銀  
佛寺浮佳氣花木禪

房接上方羸馬乍來還竟去流鶯多處最  
難忘老僧不作留人意坐水看山白髮長

雨晴

天缺西南江面清纖雲不動小灘橫  
墻頭語雀衣猶溼樓外殘雷氣未平  
畫取微涼供穩睡急搜奇句報新晴  
今宵絕勝無人共卧看星河盡意明

眼疾

天公嗔我眼常白故置昏昏阿堵中  
不怪參軍騎瞎馬但妨中散送飛鴻  
著離今惡誰能對損請方奇定有功  
九惱從來為佛種會知那律證圓通

秋夜

中庭淡月照三更白露澄空河漢明  
莫遣西風吹葉盡却愁無

處著秋聲

清明

街頭女兒雙髻鴉隨絳趁蝶學妖邪東風也作清明節開編來禽一樹花

芙蓉洲

殘年不復從他邦長與兩禪同夜缸坐到更深都寂寞雪花無數落天寬

牡丹

一自黃沙入玉關十年伊洛路漫漫青墩溪畔龍鍾客獨立東風看牡丹

汪藻

字彥章饒州德興人幼穎異入太學中進士第由婺州推官遷江西提舉學事徽宗親製君臣慶會閣詩惟藻和篇

稱最時胡仲亦有文名人為之語曰江左二寶胡仲汪藻遷著作佐郎與王黼不合罷去欽定即位三遷為起居舍人高宗以中舍召時次楊州藻多陳奏宰相黃潛善惡之出主官觀明年復召用拜翰林學士帝親書白團扇紫詰仍美給黃麻似六經十字賜史館餐錢聽屏所屬就纂日曆二年出知湖州六年詔賜史館餐錢聽屏所屬就纂日曆八年上所修書六百六十五卷升顯謨閣學士以年者奪職居永州二十四年卒

古鏡行

我有辟邪鏡得之咸陽宮其陰為天池一母將九龍旁書負圖字土蝕如旒蟲絨以駭雞珍妙極倖之工請照遠近千里秋毫空豈不鑿脂澤所貴肝膽通問誰為此器太古非人功客聞重歎息意欲窺靈蹤高臺不辭倚恐客難稱容繩窮匣半啟四室來悲風日車當晝留羞澁如頑銅森然髮上指崇若臨霜鋒我還撫客手此豈世寶同揮淚兩無言掩鏡鞞囊中  
避地幽亭野步



今日幸無雨，天空出遙峯。行行不知疲，遂至春江潯。汲路轉籬落，人家枉桑陰。平疇漲清波，隴麥如人深。溝畎戲鳧鷖，新蒲映浮生。我沈本樵漁，對此諧初心。景物豈不好，悲來自難任。風塵暗中原，四海如鷺禽。黃屋狩萬里，兩宮隔辰參。龍移螻蟻窺，月晦蟾蜍侵。宇宙有傾覆，茲遊豈嶮巖。銷憂賴濁醪，太息誰能斟。唐千歲屏居零陵。

桃源行

祖龍門外神傳壁，方士猶言仙可得。東行欲與羨門親，咫尺蓬萊滄海隔。那知平地有青春，只屬尋常避世人。閨中日月空萬古，花下山川長一身。中原別後無消息，聞說瓜分因感晉。誰教

晉鼎判東西，却愧秦城限南北。人間萬事愈可憐，此地當時亦偶然。何事區區漢天子，種桃辛苦望長年。

過吳明叟新居

誰開大屋沈沈者，門外垂楊拂車馬。主人四十持節歸，高卧綠陰啼鳥下。冥冥一徑傍花入，忽有清池照深夏。魚吹落日知鏡淨，荷受微風看珠瀉。夫君少多湖海氣，欲騁騁駟無地跨。故將能事驚世人，坐向雲端差萬瓦。稍培幽桂出窻前，時放青山來竹罇。人言此興極不淺，天遣公忙那肯暇。要須便作朝川圖，他日思歸聊對畫。

阻風雨辟邪渡寄王仲成

渡頭急雨鳴森木，木杪顛風飛大屋。沒署寒水稻生芽，滿眼青泥車折軸。山行值雨舟值風，窮愁日日煩天公。不如歸卧澗壑

底世事一掃春煙空別君兩年重此別喜君胸次渾冰雪擬將  
身作賈胡留無柰事如空鳥滅挽我不回君怒嗔交情把握成  
參辰相隨百里還相見只有西山似故人

遇臨平二首

一別九霄路風煙長滿衣已成身老大無復世輕肥天濶鳥雙  
下山寒人獨歸曉來何事雨春水牛巖扉  
睡起涼生岸釣簾坐小窻麥風能起杞梅雨不鳴江往事心長  
折歸途影自雙依然蒲柳地不待早秋降

次韻向君受感秋

且欲相隨苜蓿盤不須多問沐猴冠菊花有意浮杯酒桐葉無  
聲下井欄千里江山漁笛晚十年燈火客羶寒男兒幾許功名  
事誓髮催人不見少寬

醉別李高侍郎

疇替追隨翰墨場功名今日愧劉郎英姿合上凌煙閣巧譖曾  
遭偃月堂雙槩又乘清夜去一樽聊發少年狂歸來却共燈花  
語騎雀看成滿鏡霜

書寧州驛壁

過眼空花一餉休生猶得佐名州雖遭瀧吏蛙韓子却喜溪  
神識柳侯盡日夜田行穰極有時雲嶠聽鈞軒會將新濯滄浪  
足踏遍千巖萬壑秋

晚發吳城山

風掃陽候雪陣平雨催摩詰畫圖成氣吞浦溆重林盡秋著江  
湖去鳥明厚祿故人無一字長年三老伴餘生會須滿意開懷  
抱到眼廬山不世情



李彌遜

字似之 蘇州吳縣人 登大觀三年進士 調單州司戶 推編修 以封事劾切廢斤八載 靖康初 知瑞州 徙知饒州 以名對 首奏 勘亂大計 排斥奸言 帝嘉其 諷直 故留之 為時相 所忌 知吉州 紹興七年 遷起居郎 論事 益鯁 切無所避 和議起 胡銓 范如圭 曾開 以忤秦檜 相繼 貶逐 彌遜 復抗爭 之 檜 大 怒 嗾 言 官 論 彌 遜 與 趙 鼎 王 庶 同 沮 和 議 落 職 十 餘 年 卒 朝 廷 思 其 忠 節 追 復 數 文 閣 待 制 有 詩 十 卷

同天隱少章遊嵩山懷元明

秦公我輩士早踏翰墨場萬言若投石十年猶枯囊苦欲泛江海有親枉高堂半落京華春門無一壺漿長鞭策瘦馬送我古道傍憐我值險艱赤心寫摧傷鏗鏘五字句勢與鷗鷺翔感此坐矯首星星鬢成蒼西風小搖落雨洗煙嵐光嶂曉露孤秀野陰栖暗芳更攜鮑謝流履畫十巘霜搜奇得幽深訪古倒渺茫月落潭影空清吟殊未央緬懷柴芝宇百憂繞廻腹三歎已晡

食十起中夜狀雲裡長安日魂夢不敢驤茂苑富山水結廬余所嘗我欲放舡下卜鄰俯滄浪耦耕種林田共掃三逕荒頭白青山裏長歌樂歲觴

承天寺

宿雨洗蒼骨峰巒發新秀尋幽躡竒蹤騰踏衆山圍層林鎖巘隈突兀見危構空高望浮梁靜聖逼靈鷲我來風雨秋白露欲昏晝但聞百川赴鳴玉瀉寒竇岳示閼嶸岷路絕不得筇攀緣仰賜息坐石俯長溜帶露摘山芻披榛覓仙耐山光晚逾清雲壑若相授於終期爛漫遊陽鳥欲回味更約十日留之子緩蹄輾

法王東庵

吾宗丘壑資耿抱幽獨結構祇洎家縈廻轉巘腹前川市黃金合嶂來蒼玉步出覺華天乘凌眩生日雲間起層林林際縣



高屋斷砌滴疎泉微蹤隱深木  
堂空貝葉昏苔盛半塔綠朱幡  
久不來哀猿響秋谷

秋居雜咏

青春背我去白日不吾謀  
霜飈驚草木寒威戒衣裘  
寓形復幾時四序忽一周  
世路伏劒戟中懷孕螟螣  
營營事長久顏齡如置郵  
丘園倘未卜悟悅心自休

窮秋雜花遠春此霜下傑  
明金委瓊瓔寶璐綴環玦  
依依風轉蘭皓皓日穿雪  
苦無天治姿不受衆日悅  
銜觴泛其英攬之腸為結  
誰能踵高門持以究中熱

宿揚州城外

舟行遠城郭缺月疎林杪  
窈窕一溪深微茫衆星小  
忘言對詩書適意觀魚鳥  
幸此絕紛華行歌閱昏曉

遊黃蘗寺

苦為捫蘿行正坐愛山癖  
振衣雲中樹洗耳泉上石  
稍尋優鉢林偶傍瞿曇定  
溪橫走羊腸山轉廻龍脊  
兩難伴筇攜二老共飛錫  
望迷落葉秋坐斲蒲斷團  
夕雲歸繞窻明香盡出簷  
希聲發巖竇妙觀生廡壁  
塵緣掃不開勝事成今筓

行路難

江心蟠石蒼虬立山激江  
流浪頭急風昏月暗魚龍  
愁電掣雲奔鬼神入舡頭  
星斗天為低夜潮生寒洲  
渚移鳴舷鼓柁驚楚子危  
檣遠纜號吳兒篙師嵩咄  
自相語明朝扁舟繫何許  
半月江行十日風寸步家  
山隔秦楚黃衫年少金雕  
鞍日高華屋春夢殘揀花  
走馬咸陽道世上空嗟行  
路難

虞仲通判以溪聲名軒約同賦



山根出泉瀉鳴玉上有蒼崖擊佛屋無風水石自撞觸不盡潮  
音發寒谷宰官豈是雲間陸舊識南泉生處熟當軒大榜與名  
目平地重翻偃溪曲曲中時轉三妙語一一聲音談佛祖喧豔  
視十方鼓萬壑風雷送煙雨此聲不屬聞中取六鑿相攘竟  
誰主後來紛紛何足數五乳峰頭曾賺舉山翁有耳百不聞團  
蒲曲几窮朝昏何時沿溪掬寒綠掃葉煎茶睡初足

遊龍潭

秦山破碎天上來女媧仙去空崔嵬中縣鳴玉三千尺下有百  
仞青銅開居龍變化出嗷吸雨暗雲昏鬼神入我來坐石秋水  
間雲影扶疎落空溼浮丘容成不可俟摩挲青壁著名字兩翁  
下遊會有時訪我鍾陵五松寺

山行遇雨

滄溟四乾青虬立碧雲摩霄高嶺岷六丁夜挽天河頌石骨無  
塵露蒼溼長風吹雨不成絲飛轆轤山帶煙入羲和回馭還青  
冥布穀催耕喚春急

獨宿昭亭山寺

山寒六月飛霜雪樓殿夜深鍾鼓歇琅玕無風萬戟間屋角明  
河掛天闕龍牙七尺玉壺水炯炯神清夢不成可憐幽絕無人  
共卧看雲頭壁月生

發光林寺

朝發光林寺崎嶇渡復攀樞衣綠翠溼側足下蒼頑急雨欲平  
澗斷雲時見山祇應超勝地行路不知艱

久雨阻遊昭亭有作

浪跡隨方寄窮途觸事諳雨逢春甲子江滿地東南客鬢霜前

落詩情酒外酣上方愁獨往藜杖許同參

春日雜詠二首

幽栖足春事晴日苦相催屐齒穿沙穩筇鬚礙竹回光風初轉  
蕙殘雪欲欺梅自是經過少柴門日日開

二月忽已破一春彊半過提壺工喚客布穀巧當歌得酒先愁  
盡惜花翻恨多逢辰不為樂明日復如何

池亭詩月

輕雷不成雨風砌旋搖牀山亂雲行曲樓高月路長柴門非故  
國戎馬尚他鄉笳鼓悲情膜闕河思不忘

散策

散策北岡路牛羊歸徑深水窮人小立山靜客微吟點點榴花  
雨團團榕葉陰田翁罷爭席明日共幽尋

與公序避暑石竈方畫欲寢聞林間鳴禽甚樂因得小詩

一聞啼鳥不知名應怪山翁此地行化蝶與周俱是夢遊魚知  
我久忘情胃中丘壑真餘事世上功名畏後生但得盈樽供自  
酌何妨人境卧淵明

渡橫溪

百尺滄浪兩岸沙肩輿徒步敲斜溪聲猶帶夜來雨山色漸  
分雲外霞岸曲斷林開鳥道水邊疎竹近人家塵埃何處尋真  
境試逐寒流認落花

次韻學士兄富陽道中

長江送客靜波瀾路入回溪第一灣石瀨橫陳潮力減風檣圍  
轉櫓聲凋驅除方寸無窮事領略平生未識山自笑疎慵似中  
散政宜寥落水雲間



德甫知丞過筠莊竒亭為待月之會戲呈席上諸友  
 載酒何人過子雲傳呼雞犬亦驚奔門無車馬苔侵逕坐近池  
 臺竹覆尊好月迷人留晚照疾雷催雨過前村獨醒楚子真多  
 事共醉愚溪百尺渾

自連江赴守鄱陽黃原道中作

海角三年一夢成北來重聽偃溪聲  
 雲帶雨留愁任茂樹隨山送客行  
 杭稻治崖畦上下蒟蒻枕谷路縱橫  
 莫從馬腹消雙髀此地真堪老此生

題趙幹江行初雪圖

瓜步西頭小拍天白鷗波上寄長年  
 箇中認得江南手十里黃蘆雪打舡

朱松

字喬年徽州婺源人進士第胡世將謝克家薦之除祕書省正字趙昂都督川陝荆襄兵馬招松為屬辭之昂再相除校書郎遷著作郎再用常同薦除度支員外史館校勘歷司勳吏部郎秦檜決策議和松與同列上章極言其不可檜怒調卸史論松棧異自賢出和饒州未上幸子熹

題蘆雁屏

征鴻坐何事天遣南北飛蕭然如旅人無情自相依  
 孤葦吹欲折秋風不勝威冥冥一高雁空費弋者機  
 寒聲落煙渚相應不暫違嗟余識此情納手空歎欬

於潛道中

山行厭瑩確理策扶藪危緣野三兩家一息知可期  
 冉冉層林端炊煙裏晴晴其民豐且樂恐是太古遺  
 那知郡邑間百索困鞭笞繁華今何有半作道傍羸

度芙蓉嶺

幽泉端為誰放溜離琴筑山深春未老泛泛浪蕩馥娟娟菖蒲  
花可玩不可觸枯根盤翠岸老作蛇蚓蹙寒裳踏下流濯此塵  
土足何當餌香節淨洗心眼肉餘功到方書萬卷不再讀晚歲  
窮名山靈苗縱穿斷

坐睡

坐久睡屢兀手失未了書清風脫然至心醒得我娛起看孤隙  
坐了不移錨銖云何短夢中萬境生須臾嗟彼市朝子百巧營  
其暇安知非夢境過眼無餘

戲答胡汝能

我生苦中狹與世枘鑿弄平生素心人耿耿不滿懷汝能伯始  
後遊世如嬰孩相逢握手語便作塌筮諧時時笑謂我如子患  
未涯執古以稽今求合誠難哉涉世幸未遠子車尚可回不見

山巨源雍容居鼎台寥寥松中散絕交良可哀

謁吳公路許借論衡復留一日戲作

幽獨不自得駕言款齋廬殷勤主人意投轄恐回車世途早已  
涉此去將焉如惟憂酒錢盡使我詩腸枯會合曾幾何可復自  
為疎更當留一夕帳中投異書

書窻對月

天公自厭雨一夕開寒晴霜風淨曠野搖落有餘聲鴉得林  
靜霽月縈窻生故人千里餘濁壺誰與傾遙知勸影醉共此通  
夕情明年溪上路來餉雨中耕

春日與卓明民表陳國器步出北郊

灼灼桃吐華濯濯柳垂縷芳菲挽人出春工乃如許嗟余閑門  
久佳節過不數伴擬山陰勝詩作斜川語誰言一尊酒妙指合



千古歸讀殘書耿耿霜月苦空餘流落心三難非吾生

和謝綽中觀瀾亭

方塘艷宿漲曲澗來飛湍光涵蔚藍天瀕洞碧玉寬小亭塵上  
外瓦影浮朱欄霜渚寫秋色煙林養漁竿佳人秋霞衣皎皎明  
月冠欲濯且無塵隱得几妙觀海若眩河伯等狂蝸角端那知  
物堂上盃水生濤瀾

答保安江師送米

不見道人久天涯歲云除朝來食指動忽接送米書念師折脚  
鐺五合未省餘雖無覆餗禍尚有乞食逋云何憐孤客日受饑  
火驅未曾貸監河矧何索口奴嗟余事筆耕輕葉南畝鋤恩煩  
方外客此計良已疎何時事粗了歸葺五畝居生涯寄緯竹豈  
即非良圖

久雨短句呈夢得

身閒書有味吏傲俗不親小窻擣物表掃盡心眼塵令尹垂珠  
玉敲門喚行春作意向芳物吾車曾未巾愁陰入病骨鳩婦教  
亦嗔冥冥三日雨桃李迹已陳眼中醉鄉路風味良獨醇流光  
不容玩尺璧何足珍漓俗益可厭願言勤問津

菖蒲

東山狂看字未到心鬱紆流泉撞哀玉清冽生菖蒲聞有婢娟  
子棄家來結廬窈窕雲霧窳參差冰玉膚絕粒餌香節仙姿清  
且腴邇來隱身去冷落熱臞儒靈方無由乞石斗移根鬢相看  
意已消何必見于都

中秋夜雨

秋雲定何心忍翳今夕月尚嫌微點綴况乃都漫滅他時任氛



宋元詩集 卷之三十一  
一鈔本  
霾此際望清澈倦投納子窓竹雨聽騷屑對狀不成夢有酒那  
能設螢飛於意氣蟲語轉幽咽心知層陰表故主輪潔何當凌  
倒景徒倚玩飛輶

曉過吳縣

舟行有嚴程越國常曉發雙櫓兀殘夢起坐窺落月人家斫野  
水霧雨籠遠閣遙憐瑣窓人歌枕聽嘔軋

秋懷四首

秋風未幾日我髮白已多千林了未覺奈此一葉何安坐惜流  
光斜照寄庭柯寒蟲獨何者唧唧夜自歌

月林疎愈明露草淨可拭飛飛螢連點軋軋蟲自織移燈檢書  
讀千載如經夕微言契夙心妙解失陳迹文章事雕琢回視真  
兒劇世無楊子雲此理誰見直

林皋片葉脫靜士最先知自我抱茲獨悠然星氣馳乾坤一逆  
旅鼎鼎竟何為嵒榮俯仰中兒輩浪自悲青雲渺難必白髮不  
可辭得飽良已泰雨畦瓜芋肥

市朝富危機匹夫死憑河何如狎歐子烟雨一滄波行藏各有  
趣不在相詆訶我師陋巷人千古冠四科

送志宏西上

九州眼一槩餘子真瑣瑣嶽立培塿中喜此高岷峨如公我輩  
人取友亦到我揮毫賦垂天風雨卷蓬顆相期八表遊未覺夙  
心左解龜醉江閣酒面山月墮起瞻帝鄉雲感歎不成坐何須  
飛霞佩自辦凌風舸瀛州渺溟渤萬里一披簸

月桂花

窓前小桂叢著花無曠月月行晦朔周一再開復歇初如醉肌



紅忽作絳裙色誰人相料理耿耿自開落有如貧家女信美之  
風格春風木芍藥穠艷傾一國芳根雖無恙歲晚但枯柢

飲梅花下贈客

憶挽梅花與君別終年夢掛南臺月天涯谿上一尊酒依舊風  
枝舞香雪高情絕艷兩無言玉笛水灘自幽咽且當醉倒此花  
前猶勝相思寄愁絕

淮南道中微雪

密密雪陰合斜斜雪態妍似欺春力淺故停客愁邊宿鳥投村  
暝寒梅抱蕊鮮無人命尊酒清絕裊茶烟

東陽社日泛舟觀競渡

誰喚思家客來為蕩槳嬉鬢華羞照水雨意解催詩疊鼓飛文  
鷁香鬢出短籬醉歸真夢覺猶憶前裙時

解汲舟

上國經年客春流一櫂波已醒離帳酒猶記客亭歌野枕殘歸  
夢霜衾擁獨哦蓬窗橫落月作意傍人多

西湖泛舟

望湖樓下照哀顏羞見塵埃兩鬢斑風艇縱看山轉側烟堤儘  
逐水回還喚人歸去城鍾急觸處相親嶺月彎不用新詩摹絕  
境定知長到夢魂間

贈言命張生

俛仰塵埃的自羞稍看寒餓復誰憂小兒造物巧相戲窮鬼逐  
人殊未休我所不知煩子算世如無取更何求服箱挹酒真么  
麼那用區區問斗牛

贈僧



知有叢林特地過幅中迎笑出巖阿杖藜同覓牛羊路濯足來  
分鷗鷺波豈不倦遊貪斗粟坐令歸思動漁蓑他年會有相逢  
日稍食吾言聽子呵

答卓民表送茶

攪雲飛雪一番新誰念幽人尚食陳<sub>傷</sub>三生玉川子破除千餅  
建雞春喚回窈窕清都夢洗盡蓬蓬渴肺塵便欲乘風度片  
水卻愁夜夜收猶得君嗔

答人留別之什

家在九江東復東去君一舍碧流通邠知臨水登山處同寄飛  
蓬斷梗中愁絕五千里月夢縈江上一帆風只今且作須臾  
意更典雲裘醉小叢

招友生

雨收天氣欲清明猶未餘寒在粥錫馬隊客勤貪晝永鱸堂人  
病想身輕讀書有味齏鹽好對境無情夢寐清欲話此懷須我  
輩一來蠟屐伴春行

送蘭廷彥之衡州

墻東新徑去年開二老扶筇便往來數面何曾三日別離懷都  
寄十分杯客亭繫馬梅爭落官舍裁書雁欲回見說雲霄有知  
已那須卜築向蒿萊

曾幾

字吉甫其先贛州人徙河南府幼有識度母死蔬食十五  
年入太學有聲用兄彌蔭授將仕郎試吏部優等賜上舍  
出身擢國子正靖康初提舉淮東茶鹽高宗即位累遷浙  
西提刑坐兄開與秦檜力爭和議牽連落職僑居上饒七  
年檜死起知台州以賀允中薦得召對稱旨授秘書少監  
歷敷文閣待制乾道二年卒年八十二諡文清有文集三

卷十



嶺梅

蠻煙無處洗梅蘂不勝清顧我已頭白見渠猶眼明折來知韻勝落去得愁生坐入江南夢園林雪正晴

鄧帥寄梅併山堂酒

甕社湖邊路詩筒得報回舊時雲液酒新歲雨肥梅不是園官送真成驛使來鬢毛都白盡更著此花催

謝人送壑源絕品云九重所賜也

三伏汗如雨終朝霑我裳誰分金掌露來作玉溪涼別甌輭炊飯小爐淡炷香麪生何等物不與汝同鄉

述姪餉日鑄茶

寶鑄自不乏山芽安可無子能來日鑄吾得具風爐夏木轉黃鳥僧窗行白駒談多喚坐睡此味政時須

次韻雪中

積雪何所待冷雲終未開有時霽鴻竹無路去尋梅只欲關門卧誰能蕩漿來碎寒須底物正合麪君才

種竹

近郊宜竹樹手植滿庭隅餘子不足數此君安可無風來當一笑雪屐要相扶莫作封侯想生成鄙木奴

巖桂

粟玉粘枝細青雲剪葉齊團團巖下桂表表木中犀江樹風蕭瑟園花氣慘淒濃薰不如此何以慰幽棲

即事

似病原非病求閒方得閒殘僧六七輩敗屋兩三間野外無供給城中斷送還同行木上座與徃茶山

清波雜志云宋高士寓上饒者則有徐師川呂居仁鄭願道  
 曾宏父吉父諸公嘉祐中狀元劉焯嘗欲編玉溪唱酬集以  
 誌其盛因循未成焯按呂本中字居仁紹興間官中書舍人  
 秦檜既相私有引用意本中封還除目檜隨風御史初罷之  
 因屏居茶山寺以終鄭望之字顧道彭城人少有文名官吏  
 部侍郎弟資之字漢道亦吏部侍郎僑居士饒扁其室日寓  
 屋師川名俯詩見前卷居仁於南京稱雅宗其全集不傳僅  
 從石倉風中錄得數首而已宏甫名開與鄭君詩皆無從  
 見惜哉

長至日述懷兼寄十七兄

老來逾覺白駒忙眼看重陽又一陽心似死灰飛不起愁如寒  
 日短初長厭看賓客空投謁強對妻孥略舉觸回首山陰酬勸  
 地應憐鴻雁不成行

壬戌歲除作明朝六十歲矣

禪榻蕭然丈室空薰銷火冷閉門中光陰大似燭見跋問學只  
 如船逆風一歲臨分驚老大五更相守笑兒童休言四十明朝

過看取霜髯六十翁

謝人分餉洞庭柑

黃柑送似得嘗新坐戒松江震澤濱想見霜林三日顆夢成羅  
 帕一雙珍流雲喫霧真成酒帶葉連枝絕可人莫向君家樊素  
 口瓠犀微齧遠山顰

此詩一作謝宏父餉柑然宏父其兄也不應有君家居

荔子

異方風物鬢成斑荔子嘗新得破顏蘭蕙香浮襟解後雪霜膚  
 枉酒酣潤絕知高韻傾瑤柱未覺豐肌病玉環似是看來終不  
 近寄聲龍日漫追攀

避寇遷居郭內風雨凄然鄭簡道餉酒

烟雨昏昏二月梅全家避寇寄城隈欲尋碧落侍郎去透沐青  
 州從事來令我妾孥爭洗盥想公伯仲正傳杯安能鬱鬱久居



此且傍茶山松逕回

雪作

卧聞堆霰却無聲起看塔前又不能一夜紙窗明似月多年布被冷于冰屐穿過我柴門客笠重歸來竹院僧三白自佳清亦好諸山粉黛見層層

雪中登王正中書閣

對雪誰堪語登樓似欲仙人家修月戶丈室散花天峰疊釣簾外江橫隱几前寒深落雁渚清集釣魚船解病從摩詰消愁得仲宣展書明細字烹茗涇疎烟月好還同夢詩成已下弦明年倘相憶為一到關邊

宋元詩會卷之三十一

皖桐陳

焯默公輯選

後學程

仕松泉參較

胡銓

字邦衡廬陵人建炎二年高宗策士淮海見其對策奇之將以冠多士為忌者改真第五授撫州判官未上以護隆祐太右募鄉丁於贛州論賞轉承直郎用薦除樞密院修會和議起上疏請斬秦檜除名編管昭州再貶新州將以詢訥恣望鍛鍊致死會檜州召對除量移衡州聽自便居任孝宗即位復奉議郎知饒州召對除量移衡州聽自便居任居郎兼侍講編修力請上未建康也乾道七年以敷文閣直學士予祠進資政殿學士知仕卒有滄菴集一百卷行世

潭石巖

此處山皆石他山盡不如固非從地出疑是補天餘下陋一拳小高凌千仞虛奇章應未見名豈下中書

東陽春色宰



宋元詩會 卷之三十六  
縣古杉楓老人居水竹間化民無訟獄留客有江山路遠旅愁  
積病多詩思慳多君情好篤不飲愧吾顏

登南思望海臺

君思寬逐客萬里聽歸來未上凌烟閣先登望海臺山爲翠浪  
湧湖拓碧天開目斷雲飛處終身愧老萊

和林和靖梅花詠 三首

風亭小立夢初殘步步凌空對廣寒照眼雙明清可拘閒情一  
味澹相看晚縈瑞霧黏初潤晴映高雲薄未乾三嗅臨風思無  
限藥宮遙夜酒初闌

當年曾見鳳城頭入骨貪看興未休小摘欲論千種恨微吟先  
喚一番愁每嫌俗物薰心醉長願清芬滿世留穠李倚風梨帶  
雨比方應合面駢羞

縞屨鍊悅照釵荆霜竹寒松秀色并八脉格高凌太白千林地  
迴切西清著枝有味知深意款屋無言似薄情日暮水邊空悵  
望渾如湘浦見皇英

和李恭政春發送行韻

落網端從一念差崖州前定復何嗟萬山行盡逢黎母雙井渾  
疑到若耶山鬼可人曾入夢相君誤易更名家此行所得誠多  
矣更願從公北泛槎

雷州和朱或秀才時欲渡海

何人著眼覩征驂賴有新詩作指南螺髻層層明晚照蜃樓  
隱隱倚晴嵐仲連蹈海徒虛語魯叟乘桴亦謾談爭似澹菴憑  
興往銀山千疊酒微酣

遊白龍洞



縣厓怪石俯潺潺神物知宜隱此間窮勝不妨歸險洞尋春那  
止看羣山攀龍行即天邊去躍馬聊同野外還好景良辰適相  
會一樽欣共水雲間

和王民瞻送行詩二首

巖耕名已震京闕未信終身袖手閒萬卷不移顏氏樂一生無  
愧伯夷班致君自許唐虞上待我誰能季孟間宗社年來欠元  
老蒼生拭目來看還  
士氣波流勢莫支逢時言行欲俱危不因湖外三年謫安得江  
南一段奇匪我獨清緣世濁此心誰識只天知萬牛回首須公  
起大厦將顛要力持

賈愁村

北往常思聞喜縣南來伯入買愁村區區萬里天涯路野草芳

烟正斷魂

王庭珪

字民瞻安福人政和間進士官茶陵丞棄去築室盧溪因  
以自號紹興中胡銓為樞密編修官乞新秦檜連敗新舟  
庭珪以詩送之檜黨目為謗訕流辰州檜死得自便之命  
孝宗召赴闕除直秘閣一子扶掖上殿年已九十餘矣

舟次白沙

朝發螺浦湄暮宿白沙口初為夜行計有物應寧肘山雲四面  
起風濤半江吼落帆危石磯就枕不敢久林深鳴鶴鵲村遠聞  
雞狗夢覺如月明破蓬見斗牛起視天色清解纜欲放溜浪頭  
聒天響掀簸入我牖蒲帆未及張篙師復回首渡頭有古祠壁  
画雜怪醜舟人相與言勸我酬神酒出處本細事陰晴亦常有  
我固不問天豈問土木偶

遊貢游洞



竄身楚西極幽竒頗窮歷况此古道傍橫天竦蒼壁何年始開  
鑿工如鬼鏗刻飛空數百丈突出青鯨額那知風雨時雲雷非  
窟定事跡墮渺茫探討失圖籍豈無高世士于此煉金液不能  
久徘徊上馬空歎息

題宣和御畫

玉鎖宮扉三十六誰識連昌滿宮竹山苑寒梅欲放春龍池水  
暖鴛鴦浴宣和殿後新雨晴兩鵲飛來向東鳴當時妙手貌不  
成君王筆下春風生長安老人眼曾見萬歲山前翠華轉恨臣  
不及宣政初痛哭天涯觀畫圖

觀駱元直進士南形勢圖

異時漢網疎天討射鵰馬齧江南草石頭重戍豈無兵將軍未  
識丹陽道至今戰骨堆秋霜傷心不忍問耆老龍蟠虎踞昔何

雄赤壁濡湏狂眼中潯陽江水射蛟處旌旗拂天來向東艤艦  
塞川不敢下昔人曾此破曹公橫江九道波翻屋試請輕兵渡  
淮曲夜入長安人不知應見畫圖心已熟他日將軍按此圖鼓  
行而西如破竹

和劉美中尚書聽寶月彈桃源春晚

何年鑿源開混茫桃花兩片吹紅香烟消遠浦生微陽渙舟誤  
行溪水長溪回岸轉山隙光疑有絳闕仙人房居民爭出羅酒  
漿花間笑語音琅琅抱琴釋子眉髮蒼響泉韻磬鳴長廊能謾  
往事悲孟嘗昔時臺治今耕桑又如勇士赴敵場坐今遊子思  
故鄉清猿抱木號鴻荒孤吟劃見丹鳳翔曲終待月西南廂重  
調十指初不忙如見古畫秦衣裳春天百鳥爭頽頽桃源歸來  
今已忘彈到落花空斷腸



麗人行讀大業拾遺作

桃葉山前宮漏遲  
宮人傍輦持花枝  
君王喜憑絳仙立  
殿脚爭画雙長眉  
欲把琵琶彈作塞  
結綺臨春時事改  
井邊忽見張麗華  
忍聽後庭歌一曲

蚤行

犀雞鼓翼天欲光  
井上梧桐生微凉  
殘星爛爛或出沒  
初日淡淡開青蒼  
楚妃臺邊曉雲碧  
伏波廟前秋草黃  
騷人辛苦拾何物  
沅有芷兮今已香

和韻胡敦實少年行

酒酣坐待東方高  
臂鷹走逐城南豪  
彎弓射殺白額老  
醉騎歸馬雪花毛  
日暮黃雲動天色  
易水迷魂招不得  
莫學并州遊俠兒  
徒費黃金飾羈勒

題劉端禮步芳橋

橋上画欄低壓水  
青龍影落芙蓉底  
欲渡芙蓉望翠微  
波面紅雲映屐齒  
洛浦清流古有神  
羅襪凌波生暗塵  
東昏戲作錦地茵  
金蓮襯步如花人  
而今此事墮渺莽  
但有荷花開蕩漾  
試穿芒屨踏風烟  
安用紫絲連步障

送謝夢叟昆仲之湘江

蠟屐訪窮巷  
脂車戴曉星  
哦詩添夢語  
望岳插青冥  
烽火連蠻徼  
樓舫壯洞庭  
瀟湘多夜雨  
羨爾對林聽

送客

東門楊柳陌  
車騎散林垌  
草綠古今道  
馬嘶長短亭  
人歸天北關  
使動斗南星  
送客何年了  
春蘋又滿汀

春日遊鶴湖山

風起羣木末花開兩壁香山深雲影變人靜鳥聲長紺殿橫崖  
起飛泉噴玉光扣門僧出定彈指下禪林

送劉禹錫之官五羊

南海千山外東風幾驛催嶺頭梅雨歇旂尾瘴烟開蠻徼無塵  
起中原有使來時應問消息會向日邊回

春日山行

緩鞚青絲馬不嘶春山草長靜柴扉迸林新筍斑斑出隔水幽  
禽款款飛雨過泉聲鳴嶺背日長花氣撲人衣雲藏遠岫茶烟  
起知有僧居在翠微

題郭秀才釣亭

野濶江寒一雁飛碧蘆花老鯪魚肥遠欄綠水秋初淨滿櫂白  
蘋人未歸醉任狂風揭茅屋卧聽殘雪打蓑衣他年欲訪沙頭

路會自携竿扣竹扉

送胡邦衡之新舟貶所 二首

囊封初上九重關是日清都虎豹閒百辟動容觀奏牘幾人回  
首愧朝班名高北斗星辰上身墮南州瘴海間不待他年公議  
出漢廷行名賈生還

大厦元非一木支欲將獨力拄顛危痴兒不了公家事男子要  
為天下奇當日姦諛皆膽落平生忠義只心知端能飽喫新州  
飯狂處江山足護持

再過東岡

物色江寒楓葉凋江邊微雨暮瀟瀟白沙翠竹舊行路碧水朱  
欄新渡橋畫堂當時避征戰十年間事付漁樵如今傑屋明人眼  
一笑端能覆酒瓢



劉葛德裕主簿

官冷身閒薄領稀時從物外赴襟期憑君少緩青絲鞵為我聊  
傾碧玉卮野寺石泉秋煮茗松窓雪屋夜論詩縣知別復東風  
近先寄寒梅第一枝

次韻楊廷秀求近詩

聞說學詩如學仙怪來詩思渺無邊自憐猶裏痴人骨豈意妄  
得麻姑鞭勇似千軍初入陣清于三峡夜流泉只今老鈍無新  
語楓落吳江恐誤傳

王主簿清暑閣

襟襟趨程作熱官何如避暑得清安輕陰画出三湘境爽氣能  
為六月寒自有熏風生屋角不須纖手捧冰盤欄干半倚紅塵  
外卧聽江聲瀉碧湍

江亭即事

江水磨銅鏡面寒釣魚人托蓼花灘雲開貪看初生月不覺小  
舟流下灘

葉夢得

字以蘊吳縣人嗜學蚤成多識前言往往登紹聖四年進  
士由教授召為編修官用蔡京薦召對遷祠部郎累遷翰  
林學士會將以童貫宣撫陝西取青唐夢得見蔡京力諍  
之京有慚色未幾出知汝州尋予宮觀踰年起用拜學士  
戶部尚書與宰相朱勝非不合退歸湖州紹興初起知建  
康進安撫置制司練兵籌餉屢却敵兵加觀文殿大學士  
安撫福建復平海寇上章請  
老以崇信軍節度致仕卒

赴建康過京口呈劉季高

客路重經黃鵠前故人仍得暫留連長鎗大劍笑安用白髮蒼  
顏空自憐照野已驚橫雉堞蔽江行見下樓船灞陵醉尉無人  
識謾對雲峰說去年

蔡子因相遇留踰月

解作江山一月留仲文儒雅更風流欲知爵躍心能喜正愛蟬  
連語不休築室君方論並舍子因約同居書上歸山我已辨扁舟交親

四海今餘幾萬事傷心付白頭

徐敦濟書報嘗過余石林

繞澗新添數百竿故人書為報平安似聳設山風響正想陰  
陰夏筆寒老去不能窮蠹簡歸來便擬挂塵冠一杯且覓林間約  
莫枉山王廢舊歡

東園作草堂新成

官舍如何有草堂野人熟處自難忘池開月映千山迴檻靜風  
生六月涼幽徑也從穿別浦小舟還似過橫塘深知幕府文書  
省盡付甘眠亦未妨

胡宏

字仁仲建寧崇安人文定公安國子也幼事楊時侯仲良  
究所傳者父之學也復游衡山下二十餘年玩心神明不  
舍晝夜張杖師事之紹興初上書以良心聳動高宗謂其  
願慮畏懼忘父兄之困辱而北面冠讐蓋由良心之不察  
也高閔為國子司業請幸太學宏見其表作書責之謂閔  
欺天罔人阿諛柄臣求舉太平之典秦檜當國貽書宏兄  
寅問其二弟意欲用之宏致書詞甚厲人問之宏曰正恐  
其名故示以不可召之端檜死宏被召竟以疾辭卒於家  
著書曰知言張栻謂其言約義精道學之樞要刑治  
之著龜也有五峯詩文集五卷皇王大紀八十卷

題上封寺

百年身似客浩蕩世間遊入望青山好夢魂偏我留我家巫山  
十二峯浮江直過巴陵東瀟湘水與蒼梧通環遶衡嶽青冥中  
扁舟白雲不可度杖藜蠟屐乘春風山光浮動可攬結雲舒霞  
卷飛烟虹深巖大壑翠巘巘足力已到心無窮羣峰迤邐勢不  
竟上盡祝融五千仞祝融峰高天更高太空人世如牛毛風雲

宋元詩集卷之三十一

鈔本



萬變一瞬息紅塵奔走真徒勞

西林寺廓然堂有懷

超然峯頭秋風清廓然堂延秋月明我乘清秋弄明月中有所  
感恩冥冥峰勢凌蒼穹上有烟林封去天不盈尺路斷心中忡  
虛名過耳如松風

同相氏還鄉

江村沙暖萋蒿長味比枸杞新甘香茁茁荻芽生近渚紫花臺  
菜初未嘗白羊烏犍俱在牧茅舍竹籬真故鄉人生未必須富  
貴萬事且願身康強徑買官場舊醅酒共醉春風殊未央

桃源行

北歸已過沅湘渡騎馬東風武陵路山花無限不關心惟愛桃  
花古來樹聞說桃花更有源居人共得仙家趣之子魚舟安在

哉我欲乘之望源去川源遠近蒸霞開一片隨水從東來及晨  
編覽三春色莫使風雨空蓋苔

題法輪寺

春色初收夏氣清路分松檜入崢嶸深盤峭崿千峯下遠抱瀟  
湘一綫明大眾總迷身在處三關除却道方平山林若是有情  
住何異紅塵爭利名

劉子翬

字彥冲贈太師韜之仲子以父任承務郎辟真定府幕屬  
韜死靖康之難子翬痛憤築無以為生廬墓三年服除通  
判吳化軍因毀瘠不堪更責辭歸武夷山不出者十七年  
與藉溪胡憲白水劉勉之支相得每講學外無雜言所與  
遊皆知名士而期以任重致遠者惟新安朱熹一人也熹  
父松且死以熹托子翬佩其教成名儒焉卒年四十七學  
者稱屏山先生

建康六感

吳

龍翔大耳兒虎視捉刀人風雲竟逐逐軌誰能遵大帝負英  
材沉潛歛求伸一呼定南國再戰威強隣抗魏既搖岳攘劉亦  
披鱗組練繞平隰艤艫蔽通津偉哉人物盛成功豈無因代祀  
已飄忽風流久彌新停橈眺迴陸裂蔓登層閣卧龍昔來遊萬  
古懷清塵

晉

日昃無全照南遷事蒼忙龍謠方協瑞星禍已告亾凌遲百年  
運凜凜危莫將向來問鼎人項背常相望環宮白羽列面闕鳴  
弦張膺圖未躋泰卜世豈枉長獨憐短轅公惟忍殺忠良百身  
嗟莫贖一慟髮成蒼時移事亦更為宋復為梁惟有采石潮年  
年到前因

宋

寄奴真偉人落拓龍潛地據筵呼五木已有吞世氣世期值陽  
九天綱日淪替偏邦或跨州卑號猶稱帝匪乘艱棘運英姿疇  
能濟南戡奠番禺西狩澄涇渭功雖與世隆道亦同人廢緬懷  
揖讓風黃屋身身寄頽波日奔迫夜壑遷神器巢由獨賢哉高  
蹤邈難繼

齊

堯宮不剪茨禹室無崇壤巍巍天步隆萬代猶可仰荒哉二三  
君經營務華敬落梯滿清江飛片殷遙響疎淵引瀾澳築圍遷  
林莽筋力斃民軀貨財傾國帑雄心獨未倦矯首生遐想時徂  
陵谷變無事猶悲曩殷憂易興懷逸樂難終享過客問青樓荒  
畦棘花長



梁

開圖屬英睿失國由昏悞斯人異前修撥亂旋致亂輕刑下益  
肆厚爵臣彌叛聰明馳萬機精苦徒宵旰鳳冕敬方袍鸞旗游  
彼岸悠然棄從懷臨機復難斷那知千佛力不紓一寇難酒色  
覆商周神仙蕩秦漢趨亡固多軌荒迷卒同貫微聖常鮮終撫  
冊三慨歎

陳

悲風嘯荒垣歌斷庭花曲壁月夜沉輝瓊樹春銷馥郊圻遊從  
盛想像猶經目麗景明新妝清波映鮮服承恩屬令姿被選昏  
華族朝從結綺遊暮向臨春宿意高時忽謝步遠塗方促榮華  
事不長哀樂情難足悠悠六朝事轉盼風驚燭永懷興亡端斯  
文慚麗緝

夜飲

良宵樂未央促席團欒坐佳人意慇懃唱歌屬余和幽期貴潤  
略醉語多叢脞沈沈玉卮酒量淺難負荷豈不懷極懼恐重賓  
友過寒帷望明河山月銜半破回軒互追奔繳拂簷瓦隨

種菜

傷金植柔蔬攜鋤理荒穢桔槔勒俯仰一雨功百倍朝來綠映  
土新葉搖肺肺牛羊忽踐畦肉食屠爾輩

下灘作

青山銷連環白澗走鳴瀨迷津毫髮間舟與危石會回淵聚浮  
沫斷壁餘澎湃玩奇心若驚覽鏡自不逮悠然一回首孤驛已  
茫昧停橈念經歷履地猶旋憤悲風嘯枯林暮野雲相益隔船  
聳和歌沽酒慰疲怠

棄竹夫人

愛憎情易遷感物思鬱紆念昔未棄捐常侍君子居煩襟一披  
豁雅抱何清虛蹉跎怨時暮京德竟見疎飛霜皓中庭枵然委  
播隅的鑠珠幃深熒煌錦茵鋪豈不懷舊君心已非初當年紉  
扇謠抱恨同區區

宿省軒

夜空合一寂擾擾息萬勞幽懷耿不寐孤燈側殘膏稍知山雨  
來聲在橫林高凄然卻成夢夢泛秋江濤濤

遊龍潭

四客同笑言一僧陪杖屨徜徉山水窟適意忘晨暮踈鐘巖北  
寺細竹溪南路中流石參錯不礙潺湲源泓澄小龍潭潤氣金  
碧聚時驚木葉墜俯見儵鱗度斯遊非預期偶爾造佳處幻輿

丘壑情陶令琴觴趣淹留慰所願惟以賓友故夕陽淡寒山遲  
回不能去

不忍行 二首

草邊飛騎如烟滅拉獸摧珽食其血此時疾首念鑿輿玉體能  
勝饑渴無危城肩麴驚雲擾盪盪無光天厓杳奮戈儻未雪深  
讐我食雖甘何忍飽

黃河鑿鑿冰成路人語寒空氣成霧此時泣血念鑿輿玉體能  
勝凜冽無蒼黃天步蒙塵去畫袞飄零傷歲暮飛書倘未伐姦  
謀我服雖萼何忍御

望京謠

雙鑿北狩淹歸轂寂寞梁園春草綠猶傳故老守孤城官軍不  
到黃河曲連雲樓櫓已灰燼更倚牕扉防箭鏃招兵大半出羣



盜繡緇蒙衣屢翻覆前宗後社力誅鋤白刃如霜挂人肉州橋  
燈火夜無光交道狐狸畫相逐狂時汴泗絕行舟市糶十千塵  
滿斛衣冠避地多狂南宛馬却食江南粟謀臣武士力俱困海  
角飄搖轉黃屋盤庚五遷方擇利昆陽一戰何當卜夕烽明處  
望千門孤臣祇欲吞聲哭

兼道攜古墨來墨面龍紋墨背識云保泰九年奉勅造長  
春殿供御龍印香煤旁又識云墨務官臣庭却監官臣  
夷中臣子和臣卞等進蓋江南李氏物也感之為作此

詩

長春殿古生荆蒼猶有前朝遺物在錦囊珍重出玄圭雙虬刻  
作蜿蜒態枯皮剝製弄幾刻斷玦精堅磨不殺吾齊李氏據江  
左文采風流高一代當時好玩不獨此器用往往竊奪沐徵工

選技填御府不惜千金為賞賚治兵唐推英衛精治民漢許龔  
黃最惜哉取士不知術妙手獨得庭却輩真主驅馳入極中荒  
王逸樂孤城內汗青得失更誰論尤物竟為人寶愛嗟余視此  
真糞土事有至微猶足戒後文欲往弔江流幽魂未泯應慚悔

劉蕙道獵

劉侯好獵親馳逐指呼雙犬如奴僕朝衝唐石亂雲來暮聽潭  
溪流水宿何如著鞭走大梁我亦與子同翱翔今年獵內醢彭  
越明年獵外肥德光

次韻蔡學士梅詩

梅梢破白香清切清雨含春不成雪瑤池鬢髻萬妃遊縞裙練  
悅何鮮潔凌晨燦爛忽驚眼客中又過嘉平月年年見梅非昔  
地海角尋芳更愁絕多情欲伴曉雲飛有恨只教啼鳥說兵厨



况是酒如渾東閣喜聽談吐屑飄零使我歡意盡山城暮角聲  
嗚咽庭邊一樹春最晚照影遙憐水方折暫忙不到今幾時南  
北枝頭開又歇新辭婉媚發春妍未害廣平心似鐵

荔子歌

炎精孕秀多靈植荔子佳名聞自昔絳囊剖雪出瑀盤尋常百  
果無顏色閩天六月雨初晴星火螢煌曜川澤歛如彩鳳戲翱  
翔爛若彤雲堆翕赫我聞二和全盛時負輪不減開元日繡衣  
中使動輜車黃紙封林遍阡陌浮航走轍空四郡妙品人間無  
復得供聞供御只織毫往往盡入公侯宅驪山廢苑狐兔靜良  
嶽新宮鼙鼓急繁華今古共淒涼遶樹行吟悲野客

法石見李漢老叅政

我識今朝李翰林十年隔絕飛寸心素書每逢雙鯉得雲路欲  
倚長梯尋翰林昔叅建炎政想見中興人物盛方圓齟齬不足  
論角巾雅有江湖興玉堂草詔褫兇魄丹陛陳謨發天聽介圭  
便合迓公還只今密勿才稀並自憐隨牒東南奔假道因得登  
龍門怪余髯面益老矣一笑問勞情彌敦僧坊蕭蕭遠闌闔豈  
料飄零獲清對行尚憶王相宅曩日交游幾人在濁酒青燈  
夢寐間九州四海烟塵內區區王事今有程暫見復別難為情  
長亭喚馬一悽斷璧旦曉隨桐花城

夢仙謠

并引

劉致明夢與七客游仙胡原仲與焉其事甚異致明清修純  
實非夸誕人也因為作謠以記之他時二人凌太虛誦此謠  
當懷所謂病翁者耶

鵝子峰前波色清劉郎看山無俗情癯儒自昔有仙骨夜夢體



飛如葉輕雲中不識朝天路雙童導我凌空去側身度巖隈盤  
盤復回回儻然意任形不礙石窟竊寶俄天開乘槎夜泛牛女  
渡鞭鸞曉入金銀臺花深不逢人時聳佩環聲仙翁睡起方結  
襪見客坦易無崖垠擊蒙冀垂矜叩如獲一言駐紅却白非難  
事貪生慮成真愚計當時同遊七姓俱但記古月成胡字塵緣  
未斷不得留海風吹過蓬瀛洲覺來總戶冥曠曉玉鏡晶晶墮  
松杪

清江行

漁翁一櫂老清波稚子多語能漁歌日暮沙頭寒熱竹雨餘船  
角亂堆蓑鬢殘小鮮仍自鱸湖海茫茫醉鄉內夜闌酒渴漱寒  
流月照蘆花上篷背

井泉

石井水濺濺寒莎映碧鮮雨聲添溜急天影入波圓曉汲連山  
寺春耕潤野田杖藜三嘯罷毛髮更蕭然

巖桂

涼颼振遠村寂寞度清芬山路不知處月牕時夜聳孤根寒抱  
石落子半飄雲袖手空延佇無才可賦君

策杖

策杖農家去蕭條絕四鄰空田依壠峻斷藁布窠勻地薄惟供  
稅年豐尚苦貧平生飽官粟愧爾力耕人

泊舟

莽莽荒茨岸回回亂石灘雨寒收市蚤風急泊舟難寓縣兵猶  
鬪乾坤網正寬慙慙囑龍劍莫久卧波瀾

途中

小市猶依海橫橋欲跨汀雨餘榕徑冷春晚芋田青薄宦低豪  
氣浮生惜壯齡急流歸亦好憂患飽曾經

與原仲至交溪橋

倦憇春橋午回環翠碧重亂溪流背海新柳色欺松厭市常思  
野為官不及農喜逢湖上客談話得從容

寄蜀

有客傳歸信愁懷得暫寬見童占鵲喜鄰里借書看離蜀秋方  
半浮湘歲欲闌柴門頻灑掃夢想見征鞍

野墅

野墅驚秋晚殘年忽忽過海潮通井澆林日到牕多酒盡鄰翁  
餉詩成稚子哦人生行樂耳軒冕奈余何

晚飲

招提聊駐屐却去白雲堆老眼看山倦餘懷向酒開晚涼微雨  
送秋意一蟬催醉裏揮犀妙方知有逸才

道中

微風收宿靄細路遶平皋石亂春溪急山寒曉月高鳥聲時出  
樹花氣欲侵袍行役兼清賞驅馳未覺勞

次長河壁間韻

竄鼠驚殘夢蕭蕭老屋虛風聲傳遠瀨寒意入秋蔬客路漂搖  
久歸身憔悴餘西牕滿殘照鬢似吾盧

過鄴中

逐鹿營營一夢驚事隨流水去無聲黃沙日傍荒臺落綠樹人  
穿廢苑行遺恨分香憐晚節勝遊飛蓋尚高情我來不暇論興  
廢一點西山入眼明

宋元詩會 卷之三十六 十六 存素堂



醉醺

顛風急雨退花晨翠葉銀苞照眼新高架攀緣難得地長條盤  
屈總由人橫釵數朶開猶小撲酒餘香韻絕倫唯有金沙顏色  
好年年相伴殿殘春

送原仲之荆南

風急塵埃滿漢關送君行處路漫漫不知爭戰幾時定常恐別  
離相見難三逕舊游松竹老五湖新隱水雲寬交朋日覺知音  
少綠綺從今莫浪彈

原仲温其彥藻彥符致明集敞廬

清樽勸客且留連亂後相從亦偶然三徑生涯鄉社裏一秋心  
事菊花前向來憂喜皆陳迹老去光陰逐斷弦懷抱故人今有  
幾只因情話可忘年

宿雲際偶題

穀雨都無十日間落紅棲草已斑斑曉烟未放屋頭樹春漲欲  
浮天際山翠益繁風沈遠坡漁舟驚浪落前灣鐘聲認得林邊  
寺歲歲籃輿獨往還

秋意

又見庭梧一葉飛物華心事兩差池百年未半老相通四序平  
分秋獨悲過岸山川雲漠漠殘燈院落雨絲絲客懷料理須杯  
酒哭向窮途定是癡

屏跡

屏跡山樊避世喧晚風落日靜柴門寒泉遶竹通幽圃小徑穿  
田入別村散策微吟霜葉脫鈎簾宴坐碧雲翻閒中興味知何  
晚絕口名途不更言

次韻溫其元日詩

曉來飛雨扶風顛洗出韶容換故年  
花動一紅明屋角山寒亂碧到樽前  
病如夜鶴孤還警老似春蠶飽即眠  
賴有故人開寂寞錦囊詩句許時傳

山寺見牡丹

倦遊曾向洛陽城幾見芳菲照眼新  
載酒屢穿鄉相圃傷花時值綺羅人  
十年客路驚華髮回首中原隔戰塵  
今日尋芳意蕭索山房數朶弄殘春

蚤行

村雞已報晨曉月漸無色行人馬上去  
殘燈照空驛

清湖驟雨

快雨不相期平湖忽蕭颯坐久日明簷  
敏繁聲靜中滅

汴京紀事十首

內苑珍林蔚絳霄圍城不復禁芻蕘  
舳艫歲歲銜清汴纒足都人幾煠燒

空嗟覆鼎誤前朝吳人間罵未銷月夜池臺王傳宅春風楊

柳太師橋

神霄宮殿五雲間羽服黃冠綴曉班  
詔許羣臣親受錄步虛聲裏認龍顏

宮娃控馬紫茸袍笑撫金丸彈翠毛  
鳳輦北遊今未返蓬蓬良嶽內中高

篤蓐清香步障遮並桃冠子玉簪斜  
一時風物堪魂斷機女猶挑韻字紗

靈芝九幹麥雙歧盍有喜生瑞聖時  
玉殿稱觴聞好語時教張



補撰宮詞

橋上遊人度鏡光五花殿裏奏笙簧日曛未放龍舟泊中使傳  
宣趣鄆王

巨石曾聞受國封承恩不與幸臣同時危運作高城礮猶解指  
軀立戰功

倉黃禁陌夜飛戈南去人稀北去多自古黃沙埋皓齒不堪重  
唱蓬歌

輦轂繁華事可傷師師垂老過湖湘綾衣檀板無顏色一曲當  
時動帝王

景陽鍾二首

景陽鍾動曉寒清度柳穿花隱隱聲三十六宮梳洗罷却吹殘  
燭待天明

一乃殘月淡觚稜遙望林梢曉色升寂寞小簾風露冷玉盆脂  
水已生水

朱棹

字逢年韋齋弟也有詩曰玉瀾堂集梁溪尤表為序極稱之

三山次潘靜之升書記韻

客路那知歲月長掀看一笑蕊蕊房且傾徐邈聖賢酒不問陳  
登上下牀雲影翻空迷海嶠秋聲隨夢到江鄉明朝各聽船  
兩猶憶枯棊戰四郎

老兵種菊以詩謝之

蔬畦雨徑策勳時徒種鄰牆菊兩枝九日無人過朱放十分舉  
酒酌王尼花裁粟玉秋風健香近龍涎曉夢知負口不應還負  
眼長鏡煩爾鎮相隨

九日與客語慨然有廬山之興

九日黃花笑白頭分將牢落付荒丘半川暝色聊償夢別嶺秋  
聲旋寄愁江國經年多浪語匡廬入手是真休未能免俗須登  
陟現視元龍百尺樓

寓居南軒

雲氣披猖月意孤各青倒影上庭隅燈橫老薺哦方去書掩新  
芸蠹已無一世盡知關魯酒十年不擬歎齊竿支頤坐覺疎星  
沒獨扣龍頭瀉酪奴

僕自以四月十四日自延平歸所寓之南軒積雨陰溼體中  
不佳二十五日夜夢至一處流水被道色清絕若有欄  
檻而無屋宇有筆硯皆浸水中予驚問何地有有應者  
曰此玉瀾堂也夢中欲取水中筆硯作詩詩未成而覺

意緒蕭爽始不類人世雖已一再鳴矣因賦此

蘧蘧飛夢過雲鄉物色清輝眼界長閭闔未扣金馬士蓬萊先  
立玉瀾堂千尋濯足衣裘冷六字哦詩筆硯香當與瑤池作同  
社紅巾青鳥兩相忘

六月二十日 次日立秋

天涯明日見秋風錯莫誰驚碧樹空豈意楚山招隱處盡歸蜀  
客廣騷中釣魚聊爾針方直乞米茫然帖自工獨卧南軒聽南  
澗蠻花猶作杜鵑紅

馮時行

字當可蜀巴縣人宋南渡初官奉禮郎力抗和議致引漢  
高分羹之事上日此言朕不忍聳忤秦檜罷歸所著有縉

雲集

縉雲山



借問禪林景若何  
半天樓殿冠嵯峨  
莫言暑氣此中少  
自是清風高處多  
歲九峰晴有霧  
瀰瀰一水遠無波  
我來游覽便歸去  
不必吟成證道歌

寶華寺

宿雨初收草木濃  
羣鴉飛去法堂空  
長廊無事僧歸晚  
盡日門前只看松

宋元詩會卷之三十七

皖桐陳

焯默公輯選

後學程

仕松皋叅較

呂本中

字居仁宰相公著之曾孫幼敏悟公著奇愛之少從楊時游醉尹焞遊三家或有疑異未嘗苟同用蔭授承務郎紹興六年召赴行在特賜進士出身擢中舍請罷官吏犯職與六年刑從之又奏九江鄂渚諸路當宿重兵戡亂宜圖密算不當播虛聲於賦境使預防未幾引疾去召權直學士院和中本中與秦檜為同舍相得甚歡檜既相私有引用之意本中力謝之會趙鼎遷僕射本中草制有日合晉楚之成不若尊王而賤霸散牛李之黨未如明是以去非檜大怨諷御史蕭振劾罷之提舉太平觀卒諡文清有詩集二十卷

出門見明月

出門見明月入門思故人  
故人如此月一見一回新  
明月相見多故人相見少  
問爾何因緣長似此月好  
故人在何處南北東西路  
明月在咫尺夜夜庭前樹

海陵書懷

萬事不如意自然生白鬚極知少餘韻何敢厭窮途土俗尊魚婢生涯欠木奴東行見李白誰為致區區

海陵雜興

紛紛五代亂離偏一旦雲開復見天草木百年新雨露車書萬里舊山川尋常巷陌猶簪紱取次園林亦管絃人老太平春未老鶯花無恙日高眠

秋後竹夫人

與君宿昔尚同牀正坐西風一夜涼便學短檠牆角棄不如團扇篋中藏人情易變仍如此世事多虞祇自傷却笑班姬與陳后一生辛苦望專房

探花

謾遣兒童掃雪開却穿籬落看春回溪山冷淡泥三尺故舊飄零酒一杯止買芒屨供踏雪更攜藜杖去尋梅玉川縱老生涯在時有鄰僧送米來

柳州開元寺夏雨

風雨悠悠似晚秋鴉歸掩伴僧幽雲淡不見千巖秀水漲初聳萬壑流鐘喚夢回空悵望人傳書至竟沈浮虎頭燕頤非吾相莫羨班超拜列侯

張禕秀才乞詩

白蓮菴中張居士夢斷世間風馬牛塵埃表物自無意神僊中人聊與遊澄江似赴北城眺苦雨不放南山秋君當先行我繼往句吳東亭泊小舟

孟明田舍



未嫌衰病出無車尚喜冬來食有魚  
往事高低孤枕夢故人南  
北數行茅茨獨倚風霜下  
稷稻微收雁鷺餘欲識淵明只公是  
邇來吾亦愛吾廬

宿州初暑

暑氣侵人始欲愁  
筆瓢窳巷不堪憂  
亂蟬泊雨林塘靜  
密徑吹花草樹幽  
春盡茆檐淡著燕  
日高田水故飛鷗  
莫欺湫隘無餘地  
待借元龍百尺樓

無題

荒齋安知鼎重輕  
禍胎元是公卿  
襄陽耆舊惟龐老  
受禪碑中無姓名

黃公度

字師憲莆田人紹興間進士由簽書判官除秘書省正字與趙鼎素善小人希秦檜意論罷之再貶南恩檜死召還官

尚書吏部員外郎以疾卒

秋旱熱甚尤苦登陟輿中戲成

少皞不用事八月猶苦熱  
南方本炎蒸况乃甘澤闕  
雨師弛厥職旱魃逞餘孽  
金石鑠欲流汗池龜甲裂  
稼穡亦已休田家生理絕  
強欲築場圃漸舛罌瓶竭  
祖歛數有恒不為愆陽輟  
州縣急鎚銖鞭箠動流血  
吁嗟號帝閭此語何由徹  
空村巫覡舞靈祠香火謁  
水旱制于天祈禱恐虛設  
嘗舂桑林禱瓜犧亦清潔  
萬國幾為魚堯德豈其劣  
但令倘先具難必沴氣滅  
江淮十萬兵仰口資餽輟  
太倉無宿儲有司憂百結  
腐儒從薄宦籃輿走巖嶮  
王事有嚴程亭午不得歇  
林鳥呀無聲僕夫屢告暍  
焉得變玄冬陰厓踏層雪

還家

宋元詩會 卷之三十一 三 鈔本  
黎明呼麻童拄策渡野水輕嵐翳初日古道步平砥麥隴黃四  
出松竹翠相倚人間春告盡巖色秀未已眼入故鄉明語還親  
舊喜印非朱買臣金無蘇季子竊笑免妻孥相過動鄰里富貴  
豈吾謀薄遊聊爾耳

謝傳參議彥濟雋惠筍用山谷韻

北方九月霜宿盤無生菜嶺南信地暖窮冬竹萌賣君念庾郎  
貧繭粟供庖宰中有歲寒姿貞時久不壞前身渭川侯千畝償  
宿債瓊可配天花賤不數石芥早薤與晚菘奴僕望賓介文園  
酒渴餘想不厭姑嘜預恐吹作竹明日東風噫急須驅兒童傾  
筐攜采采

癸亥秋行縣夜寓下生院倦甚慨然有歸歟之想用韻題  
壁

何須輪擁朱不願佩縣玉青山得去且歸去謀生待足何時足  
林間招提金碧開門外過客誰能來桂花落盡無人問古牆秋  
逕生青苔舊山泉石故應好菟裘不營亦可老此身已與三徑  
期未分淵明迹如掃

惜別行送林梅卿大鼎赴闕

刺桐城邊桐葉飛刺桐城外行人稀客來別我有所適問客此  
去何當歸林卿妙齡才秀發胸中萬卷涵溟渤家聲合沓益九  
州里第嶙峋表雙闕揭來試吏天南方驥繫焉能騁所長梅僊  
脫身東市卒杜老把筆中書堂傳道淮壩減豺虎政須禮樂事  
明王之子軒軒霄漢姿好向春風刷毛羽

與村晚望

山逐寒雲斷天隨暮靄低稻畦迷上下樵徑自東西故國存書



宋元詩會 卷之三十一  
劍他鄉咽鼓鼙涓埃期補報未敢卜幽棲

庚申元日

繭足度殘臘回頭又一年文書疎病眼事業付高眠與櫛從朝  
懶衾裯覺夜便南鄰競春色車馬日喧闐

久不得浙耗

獨酌澆愁酒慵翻信手書折腰行俗吏投足且吾盧歲月鶯聲  
老江湖雁影疎依棲五侯第旅食近何如

苦熱

玉井晨不冷茅簷午欲焚月搖看画筥榴吐認紅裙迴野都如  
火奇峰空自雲衣巾負芒刺曝背有人耘

倚薄

茅簷供倚薄藜杖任扶攜天入平蕪濶山含宿靄低樹聲風曲

折野色晚凄迷容易營生事秋田稻欲齊

閒居

一水遠能白羣山陰更青靜憐風細細閒任雨冥冥春色供多  
病時情畏獨醒平生憂國意客至問朝廷

三月晦日郊外卽事

雨積稍畦白晴添麥壠黃野橋排雁齒山路轉羊腸鳥語有時  
好田家隨事忙一年春盡日身迹更他鄉

晚泊桃源驛奉懷幕府諸公

下馬泊孤亭人煙接古城半村留晚照萬壑送秋聲風月思玄  
度文章愧長卿桃源何處在山驛至今名

冬日道間

歲熟牛羊飽村寒鳥雀呼霜餘山骨露水落澗毛枯歸艇收渚

網行人問酒壚微軀任南北未覺旅懷孤

壬戌中秋沿檄行縣與龔實之同宿琴泉軒

搖落江城暮招提訪舊遊泉聲終夜雨竹影一絃秋露湛衣裳  
吟山空枕筆幽故人憐寂寞抱被肯相投

西園

意得壺觴外心清杖屨間簿書休吏早花鳥向人間舊隱在何  
許倦遊殊未還天涯賴有此退食一開顏

正月晦日寄宋永兄

萬事縈心空歲月一分春色已塵埃簷間雨脚何時斷陌上遨  
頭幾日來寒來幽花如有待風延啼鳥苦相催明年此會各南  
北趨取官閒共酒杯

悲秋

萬里西風入晚扉高齋悵望獨移時迢迢別浦帆雙去漠漠平  
蕪天四重雨意欲晴山鳥樂寒聲初到井梧知丈夫感慨關時  
事不學楚人見女悲

陳晉江以壬戌四月上泮宴同僚于二公亭

百年遺址俯郊坰十里蒼波帶古亭隔岫樓臺春去遠兩朝煙  
雨酒微醒苔碑缺落庭松老野鳥去來汀草青風物不殊天竺  
路扁舟髣髴舊曾經

道間卽事

花枝已盡鶯將老桑葉漸稀蠶欲眠半溼半晴梅兩道乍寒乍  
暖麥秋天村墟沽酒誰能擇郵壁題詩盡偶然方寸怡怡無一  
事麤裘糲食地行倦

題白沙鋪



宋元詩會 卷之三十一 六 鈔本  
負郭可無三頃秫，蓋頭幸有兩間茅。還鄉且盡田家樂，舉世誰非市道交。村酒一杯澆磊塊，山程數驛更磽嶇。莫怪歸歸鞭急心，在輕紅荔子梢。

唱和盈軸而燕集未期小詩請廣文兄為遨頭

煩君管領東君手，收拾風光尊俎中。與作遨頭共春燕，何須擁鼻學秋蟲。誰憐老子興不淺，自笑窮人詩轉工。起取身閒酒價賤，明年此日又西東。

贈泉守趙表之 令矜

扁舟昔艤浙江邊，曾醉王孫玳瑁筵。竹枝芒鞋晚城上，金荷銀燭夜堂前。宦遊我輩聊復爾，聚散人間亦偶然。誰料天涯今八載，青燈相對各驚顛。

春日宴共樂臺

画棋朱甍挿紫清，連山帶水自紆縈。閣閣高下魚鱗比，田畝縱橫碁局平。花發鳥啼春耐事，夜闌客散月多情。寸陰自古千金重，一笑人間萬慮輕。

秋城晚望

斷續悲笳起麗譙，冥冥晚色四山椒。隔江人散虛分米，十里津喧蜃起潮。夕照含山光黯淡，西風動地鬢飄蕭。低頭自笑微官縛，東望滄溟歸路遙。

秋夜獨酌

溪山態足身無事，天地功深歲有秋。投老相從管城子，平生得意醉鄉侯。捲簾清坐月挑闔，橫笛誰家風滿樓。可是離人更遺物，自緣身世兩無求。

張九成

字子韶其先開封人徙居錢塘從揚時季有權貴用重幣  
 招致門下且許薦之館閣九成大笑拒之紹興二年策進  
 士擢置首選揚時遺以書曰廷對乃中興來僅見之策非  
 負氣剛大不能為也授鎮東軍簽判與提刑張宗臣爭釋  
 無辜不合即投檄歸從孝者日象用趙鼎薦起著作郎時  
 和議起九成謂趙鼎曰敵實厭兵而張虛聲以撼我當約  
 以十事彼能從吾則與之和康幾可也鼎既罷九成在經  
 筵力申前說秦檜惡之謫守邵州中丞何鑄劾奏落職檜  
 怒未已復曠司諫詹大方論其與徑山僧宗杲誣朝政  
 謫居南安軍檜死起知温州未幾丐祠卒寶慶初特贈太  
 師追封崇國公諡文忠

首春出城

春風驅我出騎馬到江頭出門日已暮獨行無獻酬江山多景  
 物春色滿汀洲隔岬花繞屋斜陽明成樓人家漸成聚炊煙天  
 際浮日落霧亦起羣山定在不江柳故撩人縈帽不肯休隨行  
 亦有酒無地可遲留聊寫我心耳長歌思悠悠

出城望隔江茅舍

茅屋臨江上四面惟柴荆綠陰繞籬落窗几一以明門前灘水  
 急日與白鷗盟不知何隱士居此復何營朝來四山碧晚際沙  
 鳥鳴碁聲度竹靜江深琴調清終攜一樽酒造門相對傾心期  
 羲皇上安用知姓名

九月七夜喜新涼

晚來天宇陰便有如許涼衣襟不作苦燈火耿寒光青編如故  
 人入眼興未央憶昔炎歊日蒸鬱如揚湯百事懶不支何暇攷  
 短長念此淡自喜拂窗淨琴張老來縱暇昏閉目自焚香心清  
 神亦旺聖賢儼在傍此意勿輕語此景吾弗忘

十一月忽見雪片居此七年未嘗有也

寒色遽如許神清瘦不禁瓦溝聲磔索珠琲亂衣襟斯須忽復  
 變玉屑墮前林風勁勢回旋飄飄蔽遙岑落此炎瘴地七年到



于今不見六花飛况聳寒玉音今年盈尺瑞天以慰吾心呼見  
具杯盤開樽須滿斟更製白雪辭入我綠綺琴

課書

橫浦非吾土久寓亦何聊不學竹林友把酒持蟹螯饑寒聊用  
遣惟以文字消方其得意處梓茹亦逍遙頓忘物我情天地本  
寬饒告爾二三子我歌汝其謠

擬古六首

平生澹無營生計亦草草吾廬儘有餘懶問長安道楚澤驚屈  
平書空咤殷浩願君且休矣沈憂令人老

余生本無用頽然落澗阿饑食山頂薇寒編松上蘿豈敢怨明  
時貧賤固其宜原憲樂窳巷屈平愁淡陂度量何相越道在胡  
速遲屈子則已矣原子有餘輝

願隨春陽和不隨秋草萎光陰瞬息耳憂悲亦何為蘭蕙生澗  
林時有朝露滋清香隨春風邈若有所思我亦慕明德杖藜往  
從之林深不可見相遇終有時

蕭騷老蠶婦窈窕深閨女閨女曳羅裳老婦勤機杼夜深燈火  
微那復凄寒兩辛勤貢王宮棄擲乃如許一縷不著身含愁誰  
敢語

促裝何喧喧西笑都門道出門何所見王孫媚春草綠鬢仍朱  
顏未信人間老去去請勿遲功名苦不早

少小有高志思與古人親二十學文史三十窳典墳坐觀世間  
事抱火厝積薪此心雖炯然不敢以告人君門深九重欲陳諒  
何因

嘉祐寺

曳屣出南郭，招提在高岡。誰言林樾中，乃有此寶坊。甘泉溢中庭，修桂蔭層廊。三秋此花開，清香駐高堂。時問紅塵中，那得六月涼。門外江聲濶，堂中松韻長。古殿儼像設，佛燈龕夜光。不見堂中人，斗覺心悲傷。人生本無定，樂處是吾鄉。吟餘復何事，月落山蒼蒼。

食苦筍

吾鄉苦筍佳，出處惟石屋。玉肌膩新酥，黃衣緣淡綠。林深恐人知，頭角互出縮。煙雨養春姿，此物未成熟。三月臘酒香，開罇媚幽獨。烹庖入盤俎，點醬真味足。未須五鼎牛，聊稱一囊粟。竭來庾嶺下，歲月去何速。經冬又七春，未分竈途哭。今朝好事者，惠我生一束。頭髮甲攔斑，味惡韻麤俗。見童不慣嘗，噉噉驚媼僕。老妻念鄉味，放箸淚盈目。丈夫志有在，何事較口腹。呼奴更傾

酒一笑風谷

有客

春雨止復作，閉門無與居。童奴告予言，有客叩吾廬。束帶出見之，頎然一丈夫。手攜一尊酒，辭氣何宴如。為言久聳名，曾未瞻簪裾。天寒宜飲酒，一杯聊以娛。盤餐亦草草，蔬果間溪魚。顏色溫勝玉，言談貫如珠。豈期有道者，而來警我愚。酒酣意兩適，心閒樂有餘。四海元有人，君勿輕荒區。

課書

汲汲我事<sup>何</sup>愛，此窗日光北。門終日開，風透軒檻涼。貧病何以療，六經真古方。榮辱頓爾失，泰山亦毫芒。呼兒來讀書，絃誦驚滿堂。仕途有捷徑，掩口笑我狂。

辛未閏四月卽事



窮居不擇交賢否那復辨似人輒已喜况復曾半面相見且寒  
 温不問風雨變晚來無與遊澄江喜如練攜筇信步行屈曲隨  
 山轉數日雨不止衝波頽激箭舊雨已不來今雨誰復見甕頭  
 香滿屋吾計今已辨豈復思故鄉無事且彊飯

過報恩

籃輿訪蕭寺煙暝漲春空遠樹樓頭綠殘霞山外紅昏鐘發林  
 杪人語殷橋東回首都無迹浮生真夢中

城門晚景

雨漲春江浪汙汙日夜奔羣山落雲裏萬壑吼巖根沙際人呼  
 渡煙中收入村蕭然何處士終日掩柴門

晚春卽事二首

春來尋勝事此興亦何窮夜雨亂江渌朝花退日紅雷聲驚嶺

北雲氣漲溪東蓑笠衝泥去誰知與我同

幽事晚山色幽齋春雨餘亂紅敲澗水浮綠漲郊墟北牖迸新

筍西園生野蔬槿籬遶茅屋已分老樵漁

遊南路菩提寺次刁文叔韻

高僧居物外有戶畫常扁海近知天濶泉甘識地靈一策春月  
 靜數點列山青便卜歸歟計移文漫勒銘

陳淵

字知點南劍州沙縣人紹興五年廖剛胡寅等上言淵乃  
 權之諸孫有文孝可用李綱為江南西路安撫使辟為制  
 置司機宜文字七年用胡安國薦召對改官賜進士出身  
 除監察御史遷右正言上嘗與淵論程頤王安石之學併  
 贊揚時能宗孔孟淵對曰揚時始宗安石後得程顥師之  
 乃悟其非益安石不止經義穿鑿其於道之大原無一不  
 差如論語主仁愛人特仁之一端而安石遂以愛為仁中  
 庸主誠豈分人我安石則謂中庸所以接人高明所以處  
 已孟子七篇專發明性善安石取揚雄善惡混之言至於  
 無善無惡其失性遠矣會鄭億年復官侍從淵言億年雖

故相居中之子實有從賊之醜乞寢其職名億年秦檜親  
黨也檜怒嗾何鑄論淵落職主管台州崇道觀卒有黜堂  
集若干行世宋史  
載淵為楊時壻

延平江上呈吳國萼先生

青山如偉人可望不可致屹然瞰洪流龍翔并虎視春風何時  
來草木舞溪翠禽鳥暖相依飛鳴得真意願言斬茆茨結室傷  
蒼蔚且要觀此身功業亦細事

十五日過許夜雨暴作明日行四十里宿于賴橋又明日

晴賦此

狂風撼平野沙礫眯兩目筍輿我與君道遠疲微逐驚雷一夜  
發暴雨溢川谷平明泥沒趾寸步不容續我生賦窮蹇觸處背  
天福風雨豈不好行路非所欲中途聊息肩村驛便可宿我勞  
固其分端恐僵僮僕燎爐焚溼薪傷舍酒初熟安能浣愁腸但  
取充饑腹中宵耿不眠明日忽挂屋攬衣起視夜秣馬亦膏轂  
人情易喜愠天道有翻覆陰霄那可知去去無欲速

越州道中雜咏

浮雲作秋陰細雨如朝霧放形山水間意適無艱步忽遇古招  
提空翠森回互倚杖聽泉鳴悠然不能去

鄧志宏送張思道遊福唐次韻

紛紛浣耳俱宜洗坐遣高人厭立里迅流蚤自促行舟更有西  
風滿江葦當年筆陣掃千人今日流輩推能文英辭雄辯灑醉  
墨倏忽百變春空雲人間萬事秋毫細軒冕儻來誰著意身隨  
去擢落波間興逐冥鴻渺天際

宿僊霞聖僊寺呈伯思子靜

風物吾鄉似山川地勢分稻畦翻碧浪麥壠布黃雲客舍常爭



席山僧獨獻芹茹柴餘瀝在聊餉僕夫勒

自建寧泛江至石首

江注天圍盡舟排浪陣輕岸容疎柳色秋氣斷鴻聲風日雖堪好雲煙易妬晴鱸魚知有興好在未知名

和韻呈李伯紀舍人

時來將相寧有種衛青故是主家奴縣鶉未用歎歲惡濶網近喜除官逋本無得喪任失馬但有言說皆陳芻從君一飲百壺盡醉倒不知誰謂吾

離紫溪驛

小風吹面雨廉纖輕薄衣裳懶更添一線離情裁不斷暮雲將過粵山尖

信州禪月院晚眺

一覺萼昏日又曛晚來愁緒亂紛紛角聲對起重城近吹動靈

山萬疊雲

汪應辰

字聖錫信州玉山人五歲知讀書多識音字未冠道貢鄉舉紹興五年登進士第一人年始十八上甚異之欲即除館職趙鼎言且令歷外任養成其才乃授鎮東軍簽判召為秘書省正字時秦檜力主和議應辰上疏抗言其非檜怒出通判建州遂請祠寓居常山道院以修身講孝為事不測賴胡寅遺檜書謂此事不足窮竟事乃寢檜死召為吏部郎宜以母老乞外知婺州尋丁內艱除秘書學凡所書以議太尊號不合乞補外知福州歷四川制置使蜀人惠之入覲陞見以畏天愛民為言除吏書廉翰學凡所陳請專革弊政中貴側目饒言日興出知平江府力疾請祠淳熙三年卒于家

玉山太甲廟

君王自古幸遊多未必南從到澗阿龍虎真藏金鼎火鳳皇朝食玉山禾雲霞落日舒旗幟琪樹西風響珮珂料得尹莘耕稼

日也曾高隱碧嵯峨

歸雲堂

浮雲本無心人心逐雲去更作歸雲堂雲歸竟何處

范浚

字茂明婺之蘭江人紹興中舉賢良方正以奉檜用事高蹈不出隱居香溪孝者稱香溪先生浚淡於理李其所著心箴朱文公采入孟子註中故身後之名益著按曹能始將范茂明與范賢良分作兩人謬甚

雜興 二首

一

荆梟昔見惡去楚將巢吳妖音不知革吳豈荆人殊梟能戒頰舌勿復輕嗚呼雖荆亦容爾何必他邦居

高蟬蔭嘉木未省蟾斧危勇蟲亦何遇不顧黃雀饑癡癡挾彈子已復露靈衣世事無不然古今同一悲

狂泉

昔有大荒國水以狂泉名國人皆飲泉狂顛率無寧一人自穿汲乃獨能常醒舉國既皆狂反見不狂驚顧謂不狂人無乃鬼物憑不然是在狂疾救療當痊輕施針灼炷艾膚肉無全平而彼不狂者被虐楚不勝責然走泉所酌飲不敢停既飲即亦狂萬慮皆迷冥其狂與眾一眾始歡相傾世事今亦然嗟哉感詩鳴安得跨鵬背獨狂遊天溟寄謝彼狂子酌泉吾不能

張生夜載酒相過

湘簾一鈎揭衣寒覺露白未驚割面風且看磨鎌月玉梳鵝兒酒花瓠虎子益張公雞黍舊豈辭夜厭厭

題八駿圖

何年画工搨毛錐貌此八馬姿權奇青絲駱頭十二蹄調柔意態行愉怡五馬放浪維無羈或翫或望仍迴嘶一牧牽鞵一牧



騎製度彷彿唐巾衣不知此馬生何時周穆王遠遊嬉駕跨八  
 駿驅東西高升崑崙躡瑤池騶駼駢馳勞飛馳日走萬里無停  
 駢興元唐家危累基百考僅脫朱泚圍黃屋進狩懷光追八馬  
 入谷七馬疲筋攣肉綻行人悲兩者資世皆顛羸虛名何有千  
 載垂空得傳記流歌詩未如此馬閒猶夷牧坳不受鞭笞咸不  
 踏險遠安無危泉甘草薦足自肥安用號駮稱雲騅嗟哉画意  
 誰能知

讀長門賦

阿嬌負恃顏姝好那知漢帝恩難保一朝秋水落芙蓉幾歲長  
 門閉春早自憐身世等前魚舊寵全移衛子夫獨夜不眠香草  
 枕東斜廂月上金鋪曉驚永巷車音近失喜疑君枉瑤軫臨風  
 望幸立多時却是輕雷聲隱隱年年織女會牽牛百子池邊侍  
 宴遊自從一落離宮後無復穿針更上樓人言消渴臨邛客天  
 下工文專大冊黃金取酒奉文君冀悟君王賜顏色賦成果得  
 大家憐鳳背煎膠續斷絃不似昭君離故土一生理沒紫濛天

四月十六日同弟姪效李長吉體分韻得首字

黃梅雨歇春歸後搏黍哺雛鳩喚婦紅殘小頰蹙上花翠刷濃  
 看陌頭柳籜痕半脫煙篁瘦露裏幽香逗書牖雲容漠漠曉陰  
 愁麥信風前一搔首

六笑

我笑支道林遠移買山書巢由古達士不番買山居我笑賀知  
 章欲乞鑑湖水巖陵釣清江何曾問天子我笑陶靖節自祭真  
 忘情胡為託青鳥乃欲長年齡我笑王無功琴外無所欲當其  
 戀五斗乃獨不知我笑杜子美夙笱具扁舟老大意轉拙欲伴



習池遊我笑韓退之不取萬乘相三黜竟不去觸事得讒謗客  
言莫謾笑古人笑人未必不受嗔螳螂襲蟬雀在後只恐有人  
還笑君迴頭生愧不能語嘲評從今吞不吐譽亮非桀亦何為  
訕周譏禹終無取

讀揚子雲傳

老不曉事揚子雲綴文譏訶堅逐貧班生曲筆甚假借謂不戚  
戚元非真草玄欲作後人計投閣自述身不利王涯筮中好其  
書寧復逆知甘露事龜聲紫色欺昏童義士遠引如冥鴻胡為  
顛眩尚執戟羨新屈首稱臣雄岷山沃野蹲鴟大拓落不歸良  
已過近危竟似井者瓶虛作反騷嗤楚些詭情懷祿遭嘲評但  
用筆墨垂聲名文章要亦千古事久矣法言今正行

讀王建射虎行

我讀射虎行感慨興長歎官差射虎得虎難山下遠立常空還  
惜雷猛虎著山裏射殺顧恐終身閒有如邊將圖偷安遵養時  
晦容其姦翻愁努力盡高鳥良弓挂壁無由彎君不見劉臣容  
高千里留賊自資媒富貴恐賊盡誅身不利坐令屈律裏頭人  
橫暴九州狂螫噬嗟嗟忠臣心不後受刀摩頸甘如飴紛紛血  
刃勇不顧一死未謝君王知景桓壯志吞狐狸狐狸不獲寧家  
為相公誓欲平淮西慨言賊狂歸無期霍公裴公今已矣我吟  
射虎徒戲歎

理喻

鄧亭霸客寒無羶夜懷家山情惘然燈前坐感雨蕭瑟浩歎連  
曉愁無眠鄰翁不出蓬茨裏聽雨聽風心似水黃昏鼻息已雷  
鳴往往簷喧不經耳愁霖一種聲紛紛鄰翁不聳羈客聳是中



轉物有妙理起予暗契漆園旨

登富陽觀山寺

弭擢依寒渚臨亭俯碧川  
嘶雲征海雁椎鼓過風船  
水濶天低樹山空日暝煙  
擬題江似練終媿謝公賢

次韻茂永兄首夏新晴

燕落雨知節鳩鳴天欲晴  
行雲飛斷碧斜日漏微明  
筍出竹三徑苗肥田一成  
野人知得飽索酒坐班荆

初冬郊行

空濶野雲疎行行思鬱紆  
露花啼晚菊風葉無高梧  
日落牛羊下天寒雁鷺呼  
却回南澗路暝色徧蓬廬

雨後出郊

扶輿穿密竹度約過前溪  
霽色煙橫野春聲水繞畦  
映山行白

鶯遷木韻黃鸝客裏貪幽事  
歸時日已西

歲暮喜晴

晴山喜見曉噴坑笑出蓬門  
不暇冠風掃斷雲齊萬弩  
日融殘雪上三竿  
早黃楊柳漏春信晚翠枇杷凌歲寒  
從此林芳入幽賞凍醪新壓味甘酸

次韻端臣姪七夕

萬古東西隔女牛停梭期會豈悠悠  
蝦蟇輪破青天暮烏鵲橋  
橋碧漢秋莫放癡兒懽徹曙  
且容老子彊登樓舉瓢更取天漿  
酌一洗胸中十斛愁

春雪晚晴出西郊

步屨尋春犯雪泥村南村北鷓鴣啼  
墮梅殘白猶明樹著柳暗  
黃初映堤風景快晴雲擘絮  
江天未暮日懸規最憐碧漲侵沙

尾更傍黃橋一杖藜

李一燾

字仁甫眉州丹稜人甫冠績金鑿未報著反正議十四篇  
紹興八年擢進士第調華陽簿改秩知雙流縣以隆道靖  
學博極載籍于本朝典故尤悉力研覈于自建隆迄靖  
康為編年一書名曰長編浩大未畢史官以聞詔給進  
呈除潼州路運判官對擢兵部郎中奏定祭法因上續通  
鑑長編凡一百八卷遷秘書丞兼定院檢討因與右相  
同修國史以不合請去轉金紫用幸大陞學州進秘閣修撰  
侍郎坐子屋為著作郎發策考上下御史摘其語屋罷官  
燾亦出知常州召除敷文閣待制再上長編全書詔藏秘  
閣以學士致仕卒年七十著述凡十六種○按燾  
長子李壁字季璋次子李屋字季永皆有文名

登大慈寺臺

重臺得雲氣深穩戶牖誰能發關鍵樓下輪蹄渙散馳行人一  
顧不容返好遊獨是我輩閒褰衣直上相推挽層軒危檻倚欲  
偏更假湖床同息偃西南繁會惟此都昔號富饒今已損填城

萼屋故依然孰為君王愛基本茫茫八表聊縱目情知日近長  
安遠白雲浩蕩飛鳥沒玉筍淒涼紅紛晚荷衣蕙帶芙蓉裳野  
服猶堪敵萼衣去梯孰復共君謀殺馬毀車從此道

客懷 三首

寂寞三秋節淒涼萬里風關河盡形勝人物幾英雄秦葉隨流  
水周禾滿故宮此心縣魏闕夢遠浙西東  
壯矣府中縣索如城外村墨池今掃迹石筍舊餘根風急漢絃  
斷雨多秦鏡昏新秋一懷古情緒若為論  
雨意忽如此客愁將柰何出門誰可詣掩卷獨高歌塵世免三  
穴古人蓬一窠區區奚足道點點幸無它

靈雲巖

路轉層岡十里餘武陵傳者一難如替年煉藥仙人室今日餐



霞道士居洞外蟠花開錦繡巖前石溜漱瓊瑤猗與靈氣為時  
雨可惜圖經闕不書

### 洪适

字景伯皓長子幼敏悟日誦三千言皓使朔方适年甫十  
三能任家事與弟遵同中博學宏詞科後三年弟邁亦中  
是選由是三洪名滿天下改秘書省正字甫數月皓歸忤  
秦檜出判饒州适亦出為台州通判皓卒服闋起知荆門  
軍歷戶部郎中孝宗即位權直學士院官至  
參知政事被論予祠年六十八薨諡文惠

### 擬古四首

明月皎夜光瑟瑟扇商籟衡紀直西躔雲章斜左界感彼林薄  
凋歲律倏云邁蜻蛚誰汝憐悽悽鳴戶外替我耐久朋著鞭道  
方泰慰藉繒縞輕金蘭舊盟改東井不及泉須女無儔配君看  
貢公綦白首愧傾蓋  
冉冉孤生竹成陰幽谷中聿來君子室葛藟施喬松千百

尋攀附猶可窮思君江水深褰裳難為從同心而偏棲愧彼摩  
霄鴻灼灼芙蓉花凌波媚芳風非不努力愛秋老無復容昔盟  
倘不寒誰欺久西東

迢迢牽牛星奕奕停梭女尋盟整璫鬢緘情遵漢渚欣讌未斯  
須別愁眉已度黃月不我留殘機忍重頤翻羨巫山雨朝朝楚  
王遇

青青河畔草英英籬邊菊亭亭當窗女濯濯手如玉淵淵錦中  
意粲粲未盈幅藁砧天一涯刀頭誤行卜却鏡怨新眉誰教遠  
山綠

### 次韻蔡瞻明江樓秋晚

斜照穿林迴歸雲歛岫遲蝸文寒壁篆蛛巧暮簷絲待月是愁  
處對山無倦時欸鬢阻談綺細讀寄來詩

寒巖寺

峭壁插青冥層巖覆九城空中清磬發幽處慧燈明萬瓦足雲氣四簷無兩聲豐干不饒舌此地孰知名

曉發秦安驛

秋夢不能曉起行山徑迷小車驚宿鷺列炬誤鳴雞冷覺霜華重光瞻斗柄低金庭有佳處芳桂想幽棲

交翠亭

政和丙申家君主寧海簿明年作文翠亭是秋亭成而适生後廿有八年适來貳郡事行縣至此感舊賦詩

三十年中事鸞樓築一亭寒聲長新篴清闕拂疎櫺水轉前時綠山濃遠處青重來勤問訊此別記秋螢

海棠花

雨濯吳妝膩風催蜀錦裁自嫌生較晚不得嫁寒梅

洪邁

字景盧皓季子也幼讀書日數千言過目成誦博竅載籍雖稗官釋老無不淹通後二兄中第為教令所刪定官以艾作秦檜投閒檜憾未已復嗾御史汪勃論邁知其父不靖之謀遂出漆差教授福州累遷吏禮二部郎紹興三十二年假翰林季士使北威所逼踰險以歸則孝宗已即位矣御史張震以邁使北辱命論罷之俄起知泉州召除起居舍人乾道三年直季士院仍參事其父與兄皆歷是職邁又踵之六年出知贛州徙建寧府知婺州明年召對首論淮東邊備上嘉之以待講同修國史俄拜翰林季士晚以端明殿季士致仕卒年八十諡文敏所著有容齋五筆夷堅志行于世

駕幸玉津園喜晴應制

五更猶自雨如麻無數都人仰翠華翻手作雲方悵望舉頭見日共驚嗟天公小試施生妙帝力堪同造物跨工苑春光無盡藏何須搥鼓更催花



雙林寺見柳書

幽谷雙林寺荒涼得遠尋誠縣遺墨枉諫筆想心箴

問鑄堂

澤國春寒未見花一江流水夕陽斜我來試上津頭望問鑄堂  
前有幾家

吳做

字益恭紹興間進士歷官知益州軍州轉泰州主台州崇道觀卒淳熙中賜諡文肅與張南軒呂東萊諸賢友善李

題騎牛圖

陳仲舉賢良熙寧中言新法不便謫南康酒稅茶兩黃犢時與  
劉凝之跨之遊廬山李伯時繪為圖今藏其家

汗血聲利塲舉世循一軌霜風老穀棘松路石齒齒牛瘦僕夫

疲累累山谷重兩翁非病狂顧獨不取彼牛背有佳處未可與

俗子夸齊向千載凜凜有生氣試問齊景公烏用馬千駟

次韻南軒先生榕溪閣閣山谷所名也

紹聖用事臣黨與紛相摻當代幾忠良一朝咸黜幽太史坐直

筆愈黜名愈休消長關否太天意匪人謀累臣誰司城獨為景

物留當時西復南萬里不停朝誰知百年定欲起九京遊積莽

新陳迹寒泉薦冰甌想當千騎臨水木寒蕭颼我公今伊傳茲

焉少夷猶炎方周瘵餘公來今已瘳榕溪兩甘棠千載誰劣優

太史後凋松公如巨川舟

宿神潭洪氏醉經堂

久客急歸程風雨事馳驚黃流鳴澗壑餘波或被路堆碕珠聯  
屬石徑齒齟齬籃輿惴危登杖策阻深度行行忽平岡神潭渺

東注徒旅鳩後先煙火休薄暮主人延客入丈室千卷聚醉經  
揭佳名巨軸舒新句我亦舊高陽糟粕嘗已屢人言薄滋味舌  
根恐未具君但中聖賢當自知佳處

獨酌

松竹羅幽徑蓬蒿閔荆扉庭前兩梧桐濃綠涵清輝南楹開半  
山晨夕異煙霏樽酒自賓主禽鳥更墮篋飲罷兩無言還讀淵  
明詩

早起

積雨霽窮秋柴局立清曉溪光照煙岫未覺秋容老溪邊烏白  
林他日沒飛鳥濃陰半枯枝殷紅亂衰草搖落想騷人洞庭風  
嫋嫋

吳子既結菴竹洲以娛親復於居之前沼為亭以朝奕名

之菴亭西面於晨興看山為宜

抱甕自灌園勝遊貴人門有口自酌酒勝與俗人言園中多蔓  
草晨夕費鋤芟遇夜或風雨安得久盤旋村酒不常有有亦多  
苦酸而况醉中語繆誤人所嫌不如飽喫飯清風北窗眠眠多  
則無覺夢境仍多端惟有古斷簡言行皆聖賢讀之未竟篇眼  
昏如夢間讀竟亦何為聚訟徒喧煩厭煩以靜勝又類枯木禪  
握苗不耘苗止羊兩茫然何如池上亭虛曠可看山山色日夕  
佳晨興夜氣還宴坐日過午清陰猶未還西山倦拄頰南山興  
悠然

陽村道邂逅趙仁甫

修途轉清溪孤村帶寒月瀟灑竹間亭意行成小立賓主莫誰  
何悠然良自適俄有貴公子青驄搖寶勒下馬相勞苦呼酒道



疇昔遂令麋鹿姿頗為人物色佳實進霜堅異釀引寒碧興盡  
還獨歸沙頭寒月白

和唐秘校見貽長篇

君才離竒卧壑松力回萬牛匠非哲我如坎井可窺底短綆未  
汲先自竭饑寒驅置簿領中敢遇督郵腰不折懂懂往來窮朝  
昏貿貿江湖弄風月色雖陋室無佳士稍輸城府開私謁平生  
聳人說項斯秀句清江更清澈鼉徑經雨忽楚然傾困倒廩不  
我肩渥注汗血絕後殿天球河圖合前列要知冷煖須自知舐  
蜜中邊不容說癡兒徒癡不了事相留湯餅未暇設如今豈止  
傾葢舊向者固已聳風說命之窮達有宿分男兒功名在晚節  
未應種豆趨南山試一上書干北闕君不見少陵流落老更窮  
長歎自比稷與契

弋陽道中

積雨今朝霽東皋晚日紅人家深蔽樹野水濶浮空以客仍行  
役青春已過中嶺頭人望處腸斷白雲東

晚步

水靜偏明眼山高不受塵晴沙棲白鳥野渡集歸人問字誰持  
酒行歌有負薪娟娟孤月影獨覺向人新

送洪史君赴闕移節會府

史君文彩漢相如暫向明時縮左符為郡似家身似客視民如  
子吏如奴魯公金石光千古吏部文章妙兩都戴白垂髯相與  
語如公治行向來無

清明陰雨呈同舍

薄薄輕寒作許陰村村花柳為誰新良辰欣見百五日冠者仍

餘三兩人冷雨淒風連午夜飛花流水一年春窺園未阻江都  
興陌上應多翠黛顰

寓壺源僧舍

燈燧掩卷已三更風露涓涓月滿庭閒撲流螢衝暗樹危梢點  
點落寒星

篔篹送人詩代簡

幽窗相對小匡牀藍淺紗經冰麝香退食歸來高枕處滿林風  
雨夢瀟湘

劉儀鳳

字韶美普州人登紹興二年進士十年始調蓬溪尉監酒  
稅資陽為掾榮州紹興二十七年起居郎趙逵稱其富有  
詞藝恬于進取召試館職不就遷秘書禮部員外所草  
奏以典雅著聲尋兼國史院編修進兵部侍郎在朝十年  
終日閉門親疎罕得見面俸入盡以儲書凡萬餘卷人尤  
其簡傲御史張之綱論儀鳳私錄四庫書存歸遂不復起

晚知果州卒  
年六十六

自歸州陸行至夔州 五首

久客歸心速江流設險艱夢驚人醉甕生出鬼門關草滿離騷  
國神依暮雨山未平千古恨慘澹入躋攀

飛溜時時雨疎風處處蟬草茵秋卧月雲幕兩垂天夷險籃輿  
底陰晴鳥道邊荒村無勞酒坐睡媿賴肩

戶口村無幾犁鋤力不堪林荒樗櫟壽月黑虎狼貪幽絕雲眠  
穩清閒谷飲甘故山淡未極壤斷葢茅菴

倚伏關羣動幽微各有生燒痕移窟穴林曲聚飛鳴瘠土常饑  
色層坡被惡名經行不唾地山好故留情

曠野無人宿危亭犯雨過巔雲堆巔巔利海現兜羅酒觸秋懷  
壯天留暮色多不勝役苦裁入竹枝歌



報恩寺

晚途無力透空關  
佛土維留草數間  
決去已曾盟白水  
重遊仍欲住青山  
皇華詩句羞懷祿  
儒帥封章屢乞閒  
似我更宜歸計  
早兩蓑煙艇學魚蠶

宋元詩會卷之三十八

皖桐陳

焯默公輯選

後學程

任松泉參較

尤表

字延之常州無錫人幼穎異蔣偕呼為奇童紹興八年登進士第由泰興令除將作監簿補大宗正丞遷秘書丞著作郎以論張說為所中出之台州有錄其東湖四詩進者讀讀而嘗數遂以文字受知除淮東常平提舉改江東用吏部郎官召進密院兼諭高宗崩前一拜大常少卿自南渡來恤禮散失凡有討論悉付之哀酌古準今稱情合典遂以進事權禮侍同修國史兼權中舍光宗即位每於經筵陳正始之道語侵權貴巧祠以歸紹熙初召為給事中屢因墮嘗踰格執奏上前多所裁抑除禮部尚書卒年七十諡文簡有集六十卷

梅 二首

不柰雪埋昭 可堪風漏香  
天寒無疹粟 日暮有嚴妝  
桃李羞浮艷 松筠共老蒼  
千山愁絕裏 獨自占年芳  
冷艷天然白 寒香分外清  
稍驚春色早 又喚客愁生  
待索巡簷

笑嫌奪出塞聲園林多少樹見爾眼偏明

蠟梅

破臘驚春意凌寒試曉妝應嫌脂粉白故染麴塵黃綴樹蜂蝶  
室排筍雁着行團酥與凝蠟難學是生香

雪

睡覺不知雪但驚牕戶明飛花厚一尺和月照三更草木淺深  
白丘塍高下平饑民莫咨怨第一念邊兵

落梅

清溪西畔小橋東落月紛紛水映紅五夜客愁花片裏一年春  
事角聲中歌殘玉樹人何在舞破香衫曲未終卻憶孤山醉歸  
路馬蹄殘雪襯東風

甲午春前得雪二首

寒聲昨夜響蕭蕭逗曉堦庭亦已消殘臘距春無幾日一年飛  
雪只今朝微陽欲動梅驚萼餘潤纔沾麥放苗天意未能違物  
意漫留殘白占山腰  
飛英回旋逐風飄爽氣令人意欲消荏苒流年春送臘殷勤密  
雪暮連朝東回庾嶺花無數煙暖藍田玉有苗一飽自今真可  
望更看南畝麥齊腰

海棠盛開

兩株芳蘂倚池陰一笑嫣然抵萬金火齊照林光灼灼彤霞射  
水影沈沈曉妝無力顰脂重春醉方酣酒暈淡定自格高難着  
句不應工部總無心

送晦菴南歸

二年摩手撫瘡痍恩與廬山五老齊合侍玉皇香案側卻持萼



節大江西鼎新白鹿諸生學築就長虹百尺堤待哺饑民偏戀  
德老翁猶作小兒啼

送吳待制帥襄陽

方持紫橐侍西清忽嶺雄藩向暑行誰謂風流貴公子甘為辛  
苦一書生詞源筆下三千牘武庫胷中十萬兵從此君王寬北  
顧山南東道得長城

周必大

字子充其先鄭州人以祖宦廬陵遂家焉紹興二十年進士試館職高宗讀其策曰掌制手也由秘書省正字除監察御史孝宗踐祚遷起居郎上曰朕舊見卿文當以近作進覽尋權中舍侍經筵兼權給事中封駁不避貴倖請祠去  
比大才也尋權兵禮二侍兼直學同修國史以論張說出知建寧府至豐城稱疾而歸三請祠其各益重久之起兵相明年遷左丞許國公光宗即位拜少保益國公慶元初三上表引年遂以少傳致仕慶元七年十月九日諡文忠自號

平園老叟集二百卷著書八十一種曹能始許其詩未脫詞科習氣信然

已丑二月七日雨中讀漢元帝紀效樂天體

昭君顏如花萬里度雞曉古今罪画手妍醜亂群目誰知漢天

子祛服自列屋有如公主親尚許相表口况乃嬪嬙微未得當

口鬻柰何弄文士太息争度曲生傳琵琶聲死對青塚哭向令

老後宮安得載簡牘一時抱微恨千古留賸馥因嗟當時事賢

佞手反覆守道蕭傳死效忠京房戮史臣一張紙此外誰復錄

有琴何人操有塚何人宿重色不重德聊以砭世俗

陶淵明有已酉重九詩一首其以此年此日舟次吉水距

永和才一程耳輒用其韻先寄諸兄弟

王覲十五載歸來稀舊交我鬢管已萼今茲固宜凋去國甫重  
五還家倏登高永和有兄弟咫尺如煙霄緬懷江東使地遠心

宋元詩會

卷之三十八

鈔本

更勞遙知上翠微江山勝金焦豈無茱萸酒望望心鬱陶相從  
會有日永矣非一朝

十月十七日大椿堂小集胡從周季懷以予目疾皆許送  
白酒彌旬不至戲成長韻

畏疾甚畏威目昏口止酒來時一中免使詩薄厚儀康久廢  
祠釀具散莫糾採藥山已焚種秫時轉後門稀問字客室乏借  
書正尚賴金石交每顧貧病叟前時相娛樂如對疏廣受有漿  
不待乞似驗歲在酉今日掃風軒明日芑園藪白衣兩不來往  
往化烏有頗番繼高會露醉牛馬委寧忘伐木詩酤胥各朋友  
或疑夾西江耻復餉并斗胡不玩易象樽盞納吾牖二義倘未  
然諾責何為負君兮優阮籍僕也減克守結交十五年果可不  
飲否食言能無肥有孚乃免咎速宜倒糟牀走送管與醜勿吝

比舍郎夜半招吏部

揚廷秀送牛尾狸侑以長句次韻

江南十月方肅霜小槽初滴鵝兒黃頗思指動異味嘗門正張  
羅誰末將披綿強來推不去枯蝦欲進上之戶羊羶豕腥猶可  
厭肪截脂凝枉何處草宮子雲黃門郎遺我黑面質白章形之  
硬語努力強寫以奇字伴史倉愧無纖手色傾國壓糟磨刀走  
臧獲喜于左手持蟹黃美勝八珍熟熊白古來狸首歌侯門名  
以牛後真屈君從今玉汝洗俗諺好與紉袖陪梁苑公詩如貂  
不頻削我續狗尾句空着

沈作式署園

宮槐分影直官柳着行疎画棟飛翬遠晴霞散綺餘池邀山簡  
馬水勝武昌魚只恐封泥召驂鸞上帝居



次韻芮曹國憶去年上元

門外人隨月窗前竹動風老僂佳節靜病幸綠樽空春至鴻聲  
北人遙蝶夢東隔年詩有債生理固知窮

元宵煮浮圓子前輩似未曾賦此坐間成四韻

今夕是何夕團圓事事同湯官尋舊味竈婢詫新功星燦烏雲  
裏珠浮濁水中歲時編雜詠附此說家風

于維皋園中牡丹未開

拙速那能鬪巧遲從教綠暗與紅稀天香未染蜂猶懶日暝先  
籠蝶已飛羯鼓只應催上苑鶴林誰復倩紅衣請君多釀淮南  
米縱賞先拚倒載歸

東廣東芮漕時聳其部中寇退

笑酌貪泉為賦詩凜然清節昭南陲廡空不納如羊馬才大常  
嗤捕鼠狸盜已犇秦非地險心遲去魯只天知愛君勤把歸鞍  
促莫待鸞旗訪具茨

戴子微運使出湖北

早日逍遙侍從間重來奉引近天顏倦趨北闕晨霜冷思上南  
樓夜月間直指不誇新衣繡曲臺猶記舊聯班豈知隔面心仍  
渴空訝相如下筆慳

上已訪楊廷秀賞牡丹于御書齋其東園僅一畝為術者

九名曰三三徑云

楊盃全勝賀監家賜湖爭比賜書萼回還自斲三三徑頃刻常  
開七七花門外有田供伏臘望中無處不烟霞卻慚下客非摩  
詰無画無詩只謾誇

彭孝求以綠野行送芍藥數種鄙句為謝

占斷春光及夏初，瑠璃剪葉朶珊瑚。休論花品同而異，為詠詩人樂且訐。北第莫辭金鑿落，南禪爭看玉盤盂。彭宣微恙何妨醉，自有嬌癡婢子扶。

次韻廷秀待制玉藥

姑射山前雪照人，長安冰畔態尤真。步搖翹玉中心碎，瓔珞塗金四面勻。常笑醱醲藏浪蘂，應陪芍藥殿餘春。自從唐代來天女，直到平園見後陳。

送韓道希亞卿移漕江中

饋餉隨蕭不作難，秦淮金峴漢時關。天開虎踞龍盤處，地近鷄翹豹尾間。洗印先經三峽寺，觀風徧踏九萼山。盡收奇秀歸詩稿，却起賡歌供奉班。

次韻章茂獻謝茶

墨淡名高筆有花，胸中五色補皇家。諫書夜奏常焚藁，講舌時乾每賜茶。秘祝重尋丹竈火，長生元笑紫河車。新詩有味知何似，雙井春來試白芽。

送鄧曹根移帥揚州

昏道維揚地，望雄風流人。物似江東六龍前，日臨淮海五馬由。來說醉翁碧月幾，橋留夜色珠簾十里待。春風遙知九日平山會，笑揮茱萸滿鬢紅。

次韻王少府送蕉坑茶

昏然午枕困潭濱，醒以清風賴子真。初似參禪逢硬話，久如味諫得端人。王程不趣清明宴，夜老先分浩蕩春。敢向柘羅評綠玉，待君同碾試飛塵。

曾英發運幹攜二詩相過復惠漢唐金石刻次韻道謝



君家奕葉播芳馨室有圖書暴兩榮詩什編成風雅頌寶章臨  
偏草真行興來文陣千軍掃醉後談鋒一坐傾已許春風來過  
我從今日日聽嚴程

### 遊廬山弔大林

上盡諸峰地轉平天低雲近日多陰古來南北通雙徑此去東  
西啓二林虞世南碑從泥沒白居易序合推尋匡廬第一神仙  
境忍使如今漸陸沉

### 胡邦衡生日以詩送北苑八銖日注二瓶

賀客稱觴滿冠霞樓名縣知酒渴正思茶尚書八餅分閩焙玉籀  
雙瓶揀越芽妙手合調金鼎鉉清風穩到玉皇家明年勅使宣  
臺謁莫忘幽人賦葉嘉

前歲冬至與胡邦衡小語端誠殿道直下舊事今年邦衡

舉易緯六日七分之說輒用子美五更三點為對因憶  
去年館中團拜十人今作八處感歎成詩

青城小語慶新陽共向紅雲拜玉皇六日七分驚歲月五更三  
點憶班行屬車誰從黃麾仗釣艇還飛白羽觴猶勝去年同館  
客十人八處更相望

魚見牡丹得之湘中花紅而蕊白狀類雙魚葉與牡丹無  
異亦以二月開因是得名其榦則芍藥也

天教姚魏主芳菲合有宮嬪次列妃玉頸圓瑳宜粉面霞裙淡  
染學顰衣枝頭窈窕魚雙貫風裏蹁躑鳳對飛莫把根苗方芍  
藥留春不似送將歸

### 酬楊廷秀待制

十年不侍殿東頭臨水登山隱者流一眼瞳方無異相三層句

曲有魏樓幸殊王聚非吾土何事龐公不入州至後臘前天欲  
雪扁舟乘興寫來不

望皖公山

太婆嶺獨高秋浦皖公山正望龍舒端如牛女隔天漢不似彭  
郎近小姑

范成大

字致能吳郡人紹興二十四年進士授戶曹監和劑局擢  
著作佐郎吏部員外郎論奉祠起知處州多善政民真之  
遷政殿說書改起居郎假資政殿大學士充祥請國信  
使使金瀕行上有面論受書事而國書不載成大至燕山  
草私奏具言受書式懷之入及進國書時詞氣慷慨殿上  
方傾聽間而成大忽播笏出私奏舉朝大駭左右標起之  
屹不為動太子欲殺成大越王止之竟達其書而歸遷中  
書舍人出知廣西靜江府除四川制置使召權吏書拜叅  
知政事加大孝士費成大素有文  
名尤工於詩有石湖等集行世

擬古

彎環樓前月掩仰樓上人人月不得語相看兩凝顰西窗回紋

機織徧金字春聊可自持玩何由將寄君

刺瀆淖

瀆淖盤渦之大者峽江水壯則有之或大如一間屋相傳水  
行峽底遇暗石則瀆起已而下施為窩然亦未嘗有定處或  
無故突然然而作叵測也舟行遇水小則敵傾大則顛覆險惡  
之名聳天下

峽山饒暗石水狀日千變不愁灘瀧來但畏瀆淖見人言盤渦  
耳夷險顧有間仍于非時作未可一理貫安行方熨穀無事忽  
翻練突如湯鼎沸翁作茶磨施勢迫中成窪怒霽外始暈已定  
稍安慰儵作更驚眩漂漂浮沫起疑有瀟鯨啜勃勃駭浪騰復  
恐蟄鼉林篙師瞪視魄灘戶呀兩汗逡巡怯大敵勇往決塵戰



幸色與齊入還憂似蓬轉驚呼招竿折奔救竹竿斷九死船頭  
爭萬苦石上牽芻觀兢薄水撇過捷飛電前余叱馭來山險固  
嘗徧今者繫檝誓豈復憚波面澎澎三峽長颺颺一葦亂旣微  
掬指忙又匪科頭慢天子賜之履江神敢吾玩但催疊鼓轟往  
助雙擗健

河豚歎

輒生藜菟腸食事一飽足腥腐色所難况乃懷醜毒臄亨強名  
魚殺氣孕慘黷旣非養生具宜謝砧几酷吳儂真差事網索不  
遺有捐生決下箸縮手汗童僕朝來里中子饒吻不待熟濃睡  
喚不嘗已落新鬼錄百年三寸咽水陸富者菽一物不登俎未  
負將軍腹為口忘計身饗死何足哭作俑者誰歟至今歪末俗  
或云先王意除惡如蕪菽逆梟與毒獍歲歲參幣玉芟夷入薦  
羞蓋欲殲種族死生有定數斷命烏可續適丁是時者未易一  
理苟鼃鼎子公怒羊羹萼元衄異味古所珍無事苦畏編駢頭  
訖此語戒諭祇取瀆聾盲死不悟明知諒已燭

九月三日宿晉口始舂雁

故人久不見乍見雜悲喜新雁如故人一聲驚我起把酒不能  
觴送目問行李曾云行路難空濛千萬里塞北多關山江南湫  
雲水風高吹汝瘦旅伴今餘幾斜行不少駐滅沒蒼煙裏羈遊  
吾亦倦客程殊未已扁舟費年萼短纜繫沙尾物性各有役冥  
心聽行止江郊匝地熟塲圃平如砥歸期且勿念其飽豐年米

新嶺

瘦馬兀曹騰荒鷄號蒼莽絲窠宵朝露籬落萬蛛網宿雲拂樹  
過飛泉擘山響老桑踣潛虬怪蔓挂騰蟒山行何許淡空翠滴



羈鞅釀愁積雨寒破悶朝日放瞳瞳赤幟張昱昱金鉦上浮動  
艸花馥清和野禽唱僕夫有好語沙平路如掌惟憂三溪阻橋  
斷山水漲

古風上知府秘書

神仙絕世立功行聳清都玉符賜長生籟雲遊紫虛鷄犬爾何  
知偶舐藥鼎餘身輕亦仙去罡風與之俱俯視舊籬落取莽如  
積蘇非無鳳與麟終然似蟲魚微物豈有命政爾謝泥塗時哉  
適丁是邂逅真良圖

初入峽山效孟東野

峽山偪而峻峽水湍以碻峽草如毳毛峽樹多樛枝峽禽惟杜  
鵑血吻日夜啼峽馬類黃狗不能長鳴嘶峽曉虎跡多峽暮人  
跡稀峽路如登天猿鶴不能梯僕夫負屨哭我亦呻吟悲悲吟

不成章聊賡峽哀詩

麻線堆 峽口驛前大山崛起舊路攀援而上縈紆如線  
十五年前浮圖德寶始沿澗伐木作新路不復登山余  
觀峽路皆未嘗經修感德寶之事作麻線堆詩一首以  
風夔路使者及歸峽二州長吏云

雲木盪胃起鬱峨一峰危上有路千折纏縷如縈絲是為麻線  
堆厥險天下稀偪仄容半足顛墜寧復稽騰揀尚愁苦遊子將  
安之浮屠德寶者悲智緒等慈隨山刊古木尋徑得長磯輿梁  
捷飛度布石綿階梯自從新路改重趼無齎咨縣有孫少府琬  
琰劉文詞勿云此事小惟有行人知况觀峽山路由來欠平治  
官吏既弗跡誰肯深長思天險固自若當令路成踐土工運畚  
鍤石工操鑿推烈火敗礪确築沙填隙巖多用百夫力遠無五



旬期但冀米鹽給不煩金幣支非客敢竊議道有詢旄倪身雖  
雪山戍亦願助毫釐工費嗟小哉政須賢有司東有管夷陵西  
有葉秣歸上維沈隱侯夔臺今吏師下維熊繹孫長材佐州麾  
豈吾金閨彥不如林下緇縣知議克合了此一段奇舟撒避滿  
潦置郵疾飛馳憧憧吳蜀客來往當無時仍磨鑽天石大書四  
賢詩不佞願秉筆遠繼峽口碑

曉發飛鳥晨霞滿天少頃大雨吳諺云朝霞不出門暮霞  
行千里驗之信然戲紀其事

朝霞不出門暮霞行千里今晨日未出曉氣散如綺心疑雨再  
作眼轉雲四起我豈知天道吳農諺云耳古來占霽霓說者類  
恢詭飛雲走羣羊停雲浴三豨月當天畢宿風自少女起爛石  
燒成香汗礎潤如洗逐婦鳩能拙穴居狸有智蜂蟻強知時商  
羊與蚤計垤鳴東山鶴堂審南柯蟻或加陰石鞭或議陽門閉  
或云逢庚變或自換甲始刑鵝與象龍聚訟非一理不如老農  
諺響應捷如鬼哦詩敢夸博聊用醒午睡

重遊南嶽

捨舟得馬如馭氣步入青松三十里我從蠻嶺瘴煙來不怕雨  
雲埋嶽趾憶管南征疑廟庭往來無恙神所社當時已有歸田  
願帝臨此心如白水煌煌南正館于東手握八觚溫玉璽駿奔  
鬻霍左右輔好生不殺扶炎紀崇裡竣事曉壇空躋攀小試青  
鞵底不知雲磴幾千丈但見漫山白虎尾石頭招我上南臺瑞  
應闌干天半倚福巖鐘聲過橋東髣髴三生如夢裏堂中尊者  
已先去苔銷巖扉何日啓竹嫌磽确老愈瘦松畏高寒蟠不起  
癯儒尚病怕淡登幽討未窮行且止我評七十二高峰鬱律穹



隆少觀美儼然可瞻不可玩往往雄尊如負展乃知嶽鎮益深  
厚不與他山爭秀偉區區獻狀眩見童乳洞淡巖真戲耳

離堆行

殘山狼石雙虎卧斧跡鱗斂中鑿破潭淵油油不敢唾下有猛  
虎踞鐵鑠自從分流注石門西州秔稻如黃雲封羊五萬大作  
社春秋伐鼓蒼煙根我替官稱勸農使年年來激西江水成都  
火米不論錢絲管相隨看蠶市疑門得得酌清尊椒漿桂酒刪  
羶葷妄欲一語神豈聳要願愛羊如愛人

夜宴曲

金麟噴香烟龍蟠玉燈九枝青闌干明瓊押帶湘簾斑風幃繡  
浪千飛鸞舞娥紫袖如弓彎雲中一笑天解顏銜杯快卷玻璃  
乾花樓促箭春宵寒二十五聲宮點闌

韓無咎檢討出示所賦陳季陵戶部巫山圖詩仰窺高作  
歎息久之余嘗攷宋玉談朝雲事漫稱先王時本無據  
依及襄王夢之命玉為賦但云嬋顏怒以自持曾不可  
以犯干後世弗察一切溷以蝶語曹子建賦宓妃亦感  
此而作此嘲誰當解者輒用此意次韻和呈

瑤姬家山高揀天碧叢竒秀古未傳向來題目經楚客名字經  
度峨岷前是邪非邪莽難識喬林古廟常秋色暮去行兩朝行  
雲翠帷瑤席知何人峽船一息且千里五兩竿頭見幡尾仰窺  
仙館至今疑行人問訊居人指千年遺恨何當申陽臺愁絕如  
荒村高唐賦裏人如画玉色頰顏元不嫁後來饑客眼長寒浪  
傳樂府吹復彈此事牽連到温洛要憐塵襪有無間居不見天  
孫任托銀濤許塵間猶作現女語公家春風錦瑟倚莫為此圖



虛斷腸

倦繡

獨見再暖緣堦走花風薰人濃似酒困來如醉復如愁不管低  
鬟釵燕溜無端心緒向天涯想見播竿幡脚斜槐陰忽到簾旌  
上遲卻尋常一線花

嶺上紅梅

霧雨胭脂點松竹江南春風一枝足滿城桃李各嫣然寂寞傾  
城拄空谷城中惟解惜娉婷遊子路傷空復情花不能言客無  
語日暮清愁相對生

瞿唐行

七月十九日至夔子灩澦徹髮不可犯是夜水漲及山腹詰  
旦視灩澦則已拄水中土人云此青草齊也可以冒險而入  
遂鼓擢略其頂而過郡中遣候兵立山上每一舟平安則搖  
幟以召後舟白益赤甲皆峽口大山黃嵌黑石皆峽中至險  
處入峽西岸有聖泉舟人或向之疾呼曰人渴也泉即迸下  
杯許復乾余舟過甚急未之試也

川窮知我歸有程一夜漲痕千丈生中流擊楫洶作氣夾峰旗  
鼓呀失聲不知灩澦拄舡底但覺瞿唐如鏡平鑿峽疏川狠石  
破號山索飲飛泉驚白益赤甲轉頭失黑石黃嵌拚命輕草齊  
增肥無泊處竹枝凝葉空餘情人間險路此奇絕客裏驚心吾  
飽更劍閣翻成蜀道易請歌范子瞿唐行

巫山高

余舊嘗題陳季陵巫山圖考宋玉賦意辯高堂之事甚詳今  
過陽臺之下復作樂府一首世傳瑤姬為西王母女嘗佐禹



治水廟中石刻在焉

濕雲不收煙雨霏峽舡作灘梢廟磯杜鵑無聲猿叫斷惟有饑  
鴉迎客飛西真功高佐禹跡斧鑿鱗皴倚天壁上有瑤簪十二  
尖下有黃湍三百尺蔓花蚪木風烟昏蘚珮翠惟香火寒露游  
飄忽定何許時有行人開廟門楚客詞章元是諷紛紛餘子空  
嘲美玉色頽顏不可干人間錯說高唐夢

今人多為神女作  
辯不知皆昔賢所

耳已言

大了隘

峽行五程無聚落馬頭今日逢耕麥麥苗疎瘦豆苗稀椒葉尖新  
柘葉薄家家婦女布纏頭背負小兒頽坐瘤山深生理卻不乏  
人有銀釵一雙插

姑惡

姑惡水禽以其聲得名傳姑虐其婦婦死所化東坡詩云姑  
惡姑惡姑不惡妾命薄此句可以泣鬼余行苦雪始聞其聲  
晝夜哀厲不絕客有惡之以為此必子婦之不孝者余為作

後姑惡詩

姑惡婦所云恐是婦偏辭姑言婦惡定有之婦言姑惡未可知  
姑不惡婦不死與人作婦亦大難已死人言尚如此

寒食郊行書事

隴麥欣欣綠山桃寂寂紅帆邊漁斷浪木末酒旗風信步隨芳  
草迷途問小童賞心添脚力呼渡過溪東

宿義林縣院

暝氣昏如雨禪房冷似冰竹間東嶺月松杪上方燈驚鷓鴣盤金  
刺流螢拂玉繩明朝窮脚力連夜斬崖藤



田舍

呼喚攜鉏至安排築圃忙兒童眠落葉鳥鵲噪斜陽烟白村聲  
遠林青野氣香樂哉今歲事天末稻雲黃

清明日狸渡道中

灑灑霑巾雨披披側帽風花然山色裏柳卧水聲中石馬立當  
道紙鳶鳴半空墻間人散後鳥鳥正西東

次韻溫伯城上

閉戶成癡坐扶藜得意行樓臺浮霽色市井碎春聲雪盡小橋  
出烟消千嶂生病多無脚力遙羨落鴻輕

安鄉縣西晚泊

水濶烏鳥倦墟寒童僕饑一灣村縣過百折暮江遲曉夢孤燈  
見春陰病骨知簡書寧不畏旅食柰先疲

道中

月冷吟蛩草湖平宿鷺沙客愁無錦字鄉信有燈花蹤跡隨風  
葉程途犯斗槎君看枝上鵲薄暮亦還家

寒食郊行書事

野店垂楊步荒祠苦竹叢鷺窺蘆泊水鳥啄紙錢風媪引濃妝  
女兒扶爛醉翁淡村時節好應為去年豐

病中夜坐

村巷秋春遠禪房夕磬淡饑蚊嘗遶鬢暗鼠忽鳴琴薄薄寒相  
中稜稜瘦不禁時成洛下詠卻似越人吟

十二月十二日枕上曉作

竹響風成陣窗明雪已花柴扉冷凍犬紙瓦啄饑鴉宿酒欺寒  
力新詩管歲華日高猶擁被葶食媿鄰家

花山村舍

潦退灘灘露沙虛岸岸顏澗聲穿竹去雲影過山來柳菌粘枝  
住桑花共葉開庵廬少來往門巷溼蒼苔

南塘寒食書事

埂外新陂綠岡頭宿燒紅裏魚蒸菜把饋鴨銷筠籠酒侶晨相  
命歌場夜不空土風并節物不與故鄉同

豫章南浦亭泊舟

繡檻臨滄渚手攜揮暮沙浦雲沈斷雁江雨入昏鴉野曠天何  
近春寒歲未萼朝來風一席隨處且浮家

醴陵驛

綠水橋邊縣門前柳已黃人稀山木壽土瘦水泉香乍脫泥中  
滑還嗟埃子長儲洲何日到鼓柁上滄浪

巴東峽口

水宿頻歌側徒行又險艱舟危神女峽馬瘦鬼門關照夜曉奮  
隴綠雲種竿山催成頭雪白休說鬢絲班

初入巫峽

鑽火巴東岸樅金峽口船束江崖欲合漱石水多漩卓午三竿  
日中間一罅天偉哉神禹跡疏鑿此山川

巫山縣

自此復登陸至夔門縣前掉石灘最險登岸以過舟謂之盤  
灘城樓對高唐門此去瞿塘不百里縣人以郭西流石堆為  
水信流石沒則灩澦如馬矣

借馬巫山縣盤舟掉石灘梅肥朝雨細茶老暮烟寒門對高唐  
起江從灩澦難流堆三尺枉旅夢一枝安



鞭春微雨

穠勝絲絲雨笙歌步步塵一年新樂事萬里未歸人雲薄竟慳雪酒濃先受春送寒東作近慚愧耦耕身

二月三日登樓有懷金陵宣城諸友

百尺西樓十二欄日遲花影對人間春光已入片時夢寒食從今數日間折柳故情都望斷落梅新曲與愁閑詩成欲訪江南便千里烟波萬疊山

天平先隴道中時將赴新安椽

霜橋水碓淨無塵竹塢梅溪未放春百疊海山鄉夢熟三年江路旅愁新松楸永寄孤窮淚泉石終收漫浪身好住鄰翁各安健歸來相訪說情真

趙聖集誇說少年後遊用前韻記其語戲之

京塵紅軟撲雕鞍年少王孫酒量寬倚袖竹風憐翠薄捧杯花露怯金寒黃雲城上栖烏曲綠水池邊鬪鴨攔別後相思惟故物壁煤侵損扇中鸞

玉堂寓意

摘文窗戶九霄中岸幘燒香愧老農上直馬歸催下鑰傳要人唱促鳴鐘金城巖窠雲千雉碧瓦參差月萬重骨冷魂清都不夢玉階蕭瑟聽秋蛩

初約鄰人至石湖

窈窕崎嶇學種園此生丘壑是前緣隔離東日浮天水當戶南山匝地烟春入葑田蘆綻筍雨傾沙岸竹垂鞭荒寒未辦招君醉且吸湖光當酒泉

入秣歸界

山根繫馬得漿家  
深入窳鄉事可嗟  
蚯蚓惹人能作瘴  
茱萸隨俗強煎茶  
幽禽不見但聾語  
野草無名都着花  
曲峴迢迢殊未艾  
去程方是問三巴

立春日郊行

竹擁溪橋麥蓋坡  
土牛行處亦笙歌  
麴塵欲暗垂垂柳  
醅面初明淺淺波  
日滿縣前春市合  
潮平浦口暮帆多  
春來不飲兼無句  
柰此金幡綵勝何

復自姑蘇過宛陵至鄧步出陸

漿家饋食槿為藩  
酒市停驂竹廡門  
紅樹亭亭棲晚照  
黃茅杳杳被高原  
飲溪有迹於菟過  
掠草如飛扑渥翻  
車軌如溝平地少  
飽帆天鏡憶江村

早發竹下

結束晨裝破小寒  
跨鞍聊得散疲頑  
行衝薄薄輕輕霧  
看放重重疊疊山  
碧穗炊煙當樹直  
綠紋溪水趁橋灣  
清禽百轉似吟客  
正狂有情無思間

送周子充左史奉祠歸廬陵

黃鵠飄然下九關  
江船載月客俱還  
名高豈是孤臣願  
身退聊開壯士顏  
傾蓋當年真旦暮  
霑巾明日有河山  
後期淹速都難料  
相對猶憐鬢未斑

與正夫朋元遊陳侍御園

沙際春風轉物華  
意行聊復到君家  
年年我是重來客  
處處梅皆舊識花  
官減不妨詩事業  
地寒猶辦醉生涯  
城中馬上那知此  
塵滿長裾席帽斜

次韻韓無咎右司上巳汎湖



休沐良辰不待晴徑稱閒客此閒行春衫欺兩任教冷病眼得  
山元自明抹黛濃嵐園坐晚淥藍新淥沒高淥棲鴉未到催歸  
去想被東風笑薄情

宿直玉堂拜賜御酒

歸鴉陸續隨宮槐簾幔參差晚不開小雨遂將秋色至長風時  
送市聲來近瞻北斗璿璣次猶夢西山翠碧堆慚愧君恩來甲  
夜殿頭宣勸紫金杯

李翬知縣作亭西湖上余用東坡語名之曰飲綠遂為勝

繫

芷葺蓮巢喚客遊蘆鞭席帽為君留未論吹水堪添酒且要移  
牀學枕流乍霽卻陰梅釀雨暫暄還冷麥催秋石湖也似西湖  
好煩向蒼烟問白鷗

發荊州

初上蓬籠竹竿船始知身是劔南官沙頭沽酒市樓暖徑步買  
薪江墅寒自古秦吳稱絕國于今歸峽有名灘千山萬水坐坐  
老只欠天西蜀道難

十二月十八日海雲賞山茶

追趁新晴管物華馬蹄鬆快帽簷斜天南臘盡風晞雪冰下春  
來水漱沙已報主林催市柳仍從掌故問山茶豐年自是驩聲  
沸更著牙前画鼓搥

有懷石湖舊隱

浩蕩沙鷗久倦飛推頽樾馬不勝鞿宮中風月常虛度夢裏閑  
山或暫歸橘杜十年霜欲飽鱸江一雨水應肥冷雲着地唐蒲  
晚誰謂披蓑暖釣磯

晚步宣華舊苑

喬木如山廢苑西古溝疎木靜鳴池吏兵憲宰番更後樓閣崔  
嵬欲暝時有露冷螢猶照草無風驚鵲自遷枝歸來更了塵書  
倩日青昏花燭穗坐

西樓秋晚

樓前處處長秋苔俯仰璿杓又欲回殘暑已回梁燕去小春應  
為海棠來客愁天遠詩無託吏案山橫睡有媒晴日滿窓鳧鷖  
散巴童閒按鴨爐灰

枕上

一枕經春似宿醒三衾投曉尚淒清殘更未盡鴨先起虛幌無  
聲鼠自驚久病厭聞銅鼎沸不眠惟望紙窓明摧頽豈是功名  
具燒藥爐邊過此生

婆羅平

仙聖飛行此是家路逢真境但驚呀神農嘗外盡靈藥天女散  
餘多異花嵐雨逼衣寒似鐵冰泉炊米硬于沙峰頭事事殊塵  
世缺甃跳梁笑井蛙

夔門卽事

夔水不可飲取之  
卧龍十里之外

峽行風物不堪論伴暑驕陽雜瘴氛人入荆南多附贅山從夔  
子盡侵雲竹枝舊曲元無調麴米新筍但有聿試覓清冷一杯  
水筒泉須自卧龍分

鄂州南樓

誰將玉笛弄中秋黃鶴飛來識舊游漢樹有情橫北渚蜀江無  
語抱南樓燭天燈火三更市搖月旌旗萬里舟卻笑鱸江丞釣  
手武昌魚好優淹留



光福塘上

指點炊煙隔莽蒼  
午餐應可寄前莊  
鷄聲人語小家樂  
木葉草花淡巷香  
去春已空衣尚絮  
雨來何晚稻初芒  
秋今農事村村急  
第一先陂貯水塘

致齋漫述

文書煙海困浮沈  
不覺盤跚百病侵  
偶問客年驚我老  
忽聳鷺語歎春淡  
今朝麥粒黃堪麩  
幾日秧田綠似針  
除卻一犁春雨足  
眼前無物可關心

請息齋書事

覆雨翻雲轉手成  
紛紛輕薄可憐生  
天無寒暑無時令  
人不冷不世情  
栩栩算來俱蝶夢  
啾啾能有幾鷄鳴  
水山側畔紅塵漲  
不隔瑤臺月露清

重陽後菊花二首

寂莫東籬濕露華  
依前金罍照泥沙  
世情兒女無高韻  
只看重陽一日花

過了登高菊尚新  
酒徒詩客斷知聞  
恰如退士垂車後  
勢利交親不到門

續長恨歌四首

金盤潑灑曉妝寒  
國色天香勝牡丹  
白鳳詔書來已暮  
六宮鉛粉半春闌

紫微金屋閉春陽  
石竹山花却自芳  
莫道故情無覓處  
領巾猶有隔生香

人似飛花去不歸  
蘭昌宮殿幾斜暉  
百年只有雲容子  
留得當時舊舞衣

帝鄉雲馭若為留八景三清好在玉笛不隨渡鶴去人間猶  
得聽梁州

秦淮

不將行李試問關誰信江湖道路難腸斷秦淮三百曲船頭終  
日見方山

五月聞鶯

桑陰淨盡麥頭齊江上聞鶯每歲遲不及曉風鴨鵝子迎春啼  
到送春時

釣臺

山林城市兩塵埃邂逅人生有往來各向此心安處住釣臺無  
意壓雲臺

餘杭

春晚山花各靜芳從教紅紫送韶光忍冬清馥薔薇釀薑滿千  
村萬落香

四十八盤

詰曲不前如官拙歌傾交面似交難若將世路比山路世路更  
多千萬盤

歸州竹枝歌

東鄰男兒得湘疊西舍女兒生漢妃城郭如村莫相笑人家閣  
閣似渠稀

夔州竹枝歌 五首

五月五日嵐氣開南門競船爭看東雲安酒濃麴米賤家家扶  
得醉人迴

赤甲白益碧叢叢半山人家草木風榴花滿山紅似火荔枝天



涼未宵紅

新城果園連滾西枇杷壓枝杏子肥半青半黃朝出賣日午買  
鹽沽酒歸

癯婦趁墟城裏來十五五市南街行人莫笑女癡醜兒郎自  
與買銀釵

白頭老翁蓼紅花黑頭女娘三髻了背上兒眠上山去採桑已  
閒當採茶

櫻桃花

借暖衝寒不用媒勻朱勻粉最先來玉梅一見憐癡小教向傍  
邊自狂開

寶相花

誰把柔條夾砌栽壓枝萬朵一時開為君也著詩收拾題作西

樓錦被堆

妃子園

涪陵荔子  
天寶所貢

露葉風枝驛騎傳華清天上一嫣然當時若識陳家紫何處蠻  
村更有園

淳熙五年四月二日直宿玉堂懷舊二絕

桂海冰天老歲華直廬重上玉皇家當年曾識青青鬢惟有東  
牆一架花

雪山刁斗不停過夜把軍書敢頽家珍重玉堂今夜夢靜聞宮  
漏隔宮花

北城梅為雪所厄

凍蘂粘枝瘦欲乾新年猶未有春看雪花祇欲欺紅紫不道梅  
花也怕寒

虞姬墓

劉項家人總可憐英雄無策庇嬋娟  
戚姬葬處君知否不及虞兮有墓田

最高峯望雪山

大面峰頭六月寒神燈收罷曉雲斑  
浮空忽湧三銀闕云是西天雪嶺山

元夕

粉痕紅點萬花攢玉氣枝光寶月圓  
簾箔通明香似霧東風無處著春寒





